

井陘縣志料

第二編

地理

地理目錄

山脈

(一) 陘山系

(二) 大臺山系

(三) 百華山系

(四) 城山系

(五) 千佛巖系

(六) 蒼巖山系

(1) 羅礪山脈

(2) 白眉寨山脈

(3) 白石嶺山脈

(4) 仙翁山脈

(5) 黃巖嶺山脈

河流

(一) 綿蔓河

(二) 甘洵河

(三) 割髭河

(四) 金良河

(五) 小作河

交通

(一) 大路

(甲) 幹路

(1) 東路

(2) 西路

(3) 西南路

(4) 北路

(乙) 支路

(二) 津渡

附橋梁表

(三) 汽車路

(四) 鐵路

附運煤支路

(五) 電報

(六) 電話

(七) 郵政

關隘

(一) 雪花山

(二) 乏驢嶺

(三) 河東坡

(四) 鳳凰嶺

(五) 西山

(六) 白石嶺

(七) 青石嶺

(八) 河抱山
仙翁山

(九) 防口

(十) 黃巖嶺
上莊嶺

(十一) 洪河漕

(一) 東口

(二) 西口

(三) 東西兩口間各鄉

(七) 武功口

(三) 險隘口

(六) 達滴巖口

(五) 驢橋口

(六) 楊莊口

名勝

(一) 蒼巖山

(二) 徑山

(三) 雪花山

(四) 百華山

(五) 千佛巖

(六) 柏山巖

天降...
卷一
七)相公巖

八)三官窪

九)青山窪

十)九石洞

十一)西巖洞

十二)龍窩寺

十三)龍泉寺

十四)陞山寺

十五)護國寺

十六)龍門寺

十七)玉峯山寺

十八)水上寺

(九) 西洋廟

(八) 凌霄塔

古蹟

(一) 山水

(二) 砦堡

(三) 官舍

(四) 學舍

(五) 壇廟

(六) 寺觀

(七) 遺蹟

(八) 建築

(九) 陶冶

(十) 雕刻

(十一) 繪書

(十二) 雜物

井陘縣志料第二編

地理

志任何地方地理，大都不外就地方所有「山脈」「河流」「交通」「關隘」「名勝」「古蹟」諸大端，分別詳晰說明。今志本縣地理，亦惟有依上列各項，一一敘述於後：

山脈

本縣位於太行山北部之東麓。故境內諸山，皆屬太行山東坡之尾。究其脈絡，計有六支：曰「陘山系」；曰「大台山系」；曰「百華山系」；曰「城山系」；曰「千佛岩系」；曰「蒼岩山系」。茲分述於下：

(一) 陘山系

自晉省平定縣東北之黃土嶺

陽縣東北有大拉山，東行橫亘於孟平定縣界上，至平定縣之岔口東南

結爲黃土嶺

分支東下，亘於孟縣牛道溝之南，平定縣牛尿泉

一名聖水泉

之北，東進，入縣

境神堂口北，至小切村南，爲小切岩。折向北走，歷紅岩寺嶺。嶺東，爲寺掌峪。朝南

夫陘縣志卷一 第一編
峪武功頂至武功口東有護國寺。寺內有泉與洞。

俗名劉秀洞

洞內有蓮花座，係簪乳

石結成。延至白土嶺，左右支阜分出。亘於小寺溝與王家峪溝之間者，爲椶櫚

山脈。主峯在武功鄉東北。脈中有大漢岩、石人岩、大腳山、小腳山、南銀洞、北銀洞

諸峯。介於王家峪溝與曹家莊黑水坪之間者，爲東壩山脈。主峯在焦家壩鄉東

北。脈中有仰天池、石門岩、半偏山、馬連坡、北鷓子梁、嫂嫂嘴諸峯。其幹脈自白土

嶺曲折東行，沿仰天池、米唐崖諸嶺東走，貫井陘平山兩縣界上，爲天然之分水

嶺。再東跨冶西胡雷馬頭山，小作桃林坪，出六里胡仁桃王莊大王廟菩薩崖高

求龕黑水坪大洛水諸鄉界上，盤結爲觀音陀山形勢巍峩，連亘數里。府志爲是脈

中之最高峯。上可容千餘人。中有清泉飛瀑，繞流而下。

方輿紀要

其支阜向東南分布

者，爲馬頭山，向西南分布者，爲樣子山。自觀音陀山東迤，至冶西鄉之東分支，由

趙莊嶺向東南行，亘於南北石門窟窿峯北高家莊與小寨北康莊南陘諸鄉之

間，而盡於楊青鄉西之龍尾崗者，是爲庫山寨。主峯在窟窿峯鄉北。山勢雄秀。周

約四十里；高，達千餘尺。爲縣北名山。其正幹，自冶西鄉東行，爲抱懷嶺馬塚嶺。東南，有方山寨。曲折北走，延至南陘鄉西，爲鬚髻塢。再北，至北陘鄉西，起高峯，曰陘山。爲「陘山系」主峯。山腰，有石鼓寺。以寺內有石，形如鼓，而名。懸崖間，有清泉飛瀑。風景絕佳。其自陘山東北，分支東走，曲折繞至北楊家溝村地方，復轉向東南行，入於楊青北防口洛陽劉家會諸鄉之間者，則爲鳳凰山。鳳凰山迤東，有馬頭將軍山。主峯在北防口鄉東北，洛陽鄉西北。山下有馬頭泉。縣志其幹脈，由陘山北走，出縣境，入平山縣，而盡於滹沱河南岸。脈中產有金銀鉛煤及水晶石各鑛質。惜鑛質不豐，從事開採，難獲厚利。

(二)大台山系。亦自晉省平定縣東北之黃土嶺伸出，陘山系屬北支本系屬南支橫亘於平定

縣牛尿泉與硫磺溝之間，與北支陘山系並行，入縣境神堂口東南，爲驢橋嶺。驢橋口，在嶺上。自驢橋嶺分支，一支由審岩梁向東南斜走，沿綿葭河之北岸，亘於南峪西梁窪張家窪北峪台頭諸鄉之間，結爲板山梁脈。主峯在貴泉鄉東南。一

支經虎頭山向東北，斜走於達柯洪河漕小峪新莊盧家口董家莊石壘諸鄉，上爲尖草山脈。主峯在石壘鄉西。脈中有尖礪董家寨母豬岩三馬岩尖台礪虎頭礪諸峯。其正幹，離驢橋嶺，經虎頭山窰岩梁南鷓子嶺蜿蜒東下，爲小作河與綿蔓河之分水嶺。至南鷓子鄉東，起主峯大台山，亦名五峯山。趾削，頂平，雄秀峻拔，高達二千餘尺。爲縣境內之最高峰。其支阜，由山陽伸出，分布於常家坪台頭北峪蔡莊葛丹等鄉之間者，有狼窩山東坡梁葛丹山隔嶺東山梁諸峰。斜亘於葛丹仙洞蔡莊金蒲蘭臭水諸鄉界上者，有大嶺山小嶺山洪南嶺諸山。由山陰伸出之支阜，一支向西北行，分布於南鷓子石壘董家莊小里岩大里岩巖莊諸鄉之間者，有壕城寨相公岩虹合山龍頭山中台山鴉片山諸峰。一支向東北行，斜貫於曹家莊窪壘桃王莊桃林坪仇家窰梅家莊沙窰諸鄉界上者，有透明山杏子山盧家山海亮山木魚山半偏山諸峯。沿大台山東行，至黑窰山時，兩山雙尖礪板山之東北，支阜分出，有降和岩鐵龍山白矸梁柴樹礪降和山黃頭礪蒼

山礪西山清涼山三觀山諸峯。自板山東南行，至鳳山鄉西，起雲鳳山。山勢迴翔，

有險可恃。元末，土人保此，曰「鳳山寨」。

方輿紀要

寨南有蛤蟆背。爲民國十七年晉

奉劇戰之地。自雲鳳山向東南斜走，若斷若續，延鳳凰嶺，至青泉南正長崗南河

頭石沱，疽橫口北張村諸鄉界上，結爲天台山。主峯在北張村北。宋靖康間，土人

避兵於此。

府志

迤東，至北橫口鄉西，山脈外斷而內連，折向北走，勢若長虹，縱亘於

綿蔓河之西岸。歷羅峪，隔牛王礪，至青石嶺。此嶺，本名叱日嶺。險峻狹隔，車騎不

能乘。

縣志

唐景福二年，李克用敗成德軍於平山，王鎔出兵赴救，敗於叱日嶺。即此。

清一統志

自青石嶺北走，爲貓頭寨。再東北行，至南防口鄉之虎頭山止。與陘山支脈

之鳳凰山相對峙。其支阜，自貓頭寨分岐，東南行，爲河抱山。西南行，爲石人山。台

山。台北，爲窟窿峯。迤西爲鹿耳嶺。以山脅兩開，形如鹿耳，故名。再西，至北寨鄉

北之長嶺而止。與板山東北之柴樹礪白矸梁諸峯，遙相對峙，構成一大環形。環

形內，富有煤質。經井陘正豐兩鑛從事開採，頗獲厚利。

(三)百華山系。自晉省平定縣舊關鄉東北分支，入縣境桃園鄉西北，爲廟岩嶺。

大龍窩村西北，爲尖尖山板山。延至長生口鄉西北，結爲團山。自此分支，向東行，

歷梁家村朱家疇諸鄉，折向北走，延至饒饒山之北，在河西鄉之西，盤結爲雪花

山。以滿山叢林，盡開白花，故名。一名護城寨。俗呼西頂。高聳而秀。頂平。可容萬人。

縣志爲軍事上攻守要地。清末，晉軍起義，據山防守，與清軍相持月餘。至民國十七

年，晉奉交綏，晉軍依山築壘，奉軍卒未克前進一步。廟岩嶺之北，爲紫槽山。東行，

結主峯百華山。林壑深邃，石磴崎嶇。方輿紀要旁有唐張果洞。縣志再東，至石板片鄉西

之天清山止。

(四)城山系。亦自晉省平定縣舊關鄉東北發，東迤，入縣境桃園鄉南，爲雙尖礪

牛王礪及紅土嶺諸峯。自此分支，向東北行，歷雙廟山老虎岸，至單家鄉西之石

岸礪止。其正幹，自紅土嶺東迤，經貓山寨，至于家鄉當泉鄉南，爲馬占嶺張奎嶺。

延至南障城鄉西北，起高峯，曰城山。爲「城山系」之主峯。一名障城山。以山形

似城垣，而名金末，武仙餘黨趙貴等，據山侵掠，蒙古將焦德裕擊平之。明初，大兵下井陘，別將費聚取城山寨。是也。方輿紀要現今山之東麓，尙有焦德裕墓。城山之北，有地名石槽隔，隔東南，爲北障城鄉北之慈佛岩，隔東北，爲西柏山岩村南之柏山岩。山多產柏，甘洵河繞其下。再北，跨柏山岩，狼窩吳家莊諸鄉界上，盤結爲尖山。

(五)千佛巖系。起自晉省平定縣固關鄉東南，蜿蜒東下，歷梁家礪小灰巖，入縣境呂家村東南，爲康槽嶺。蜿蜒向東南行，有葦子山、葫蘆峪、羅鍋寨、大柴山諸峯。由大柴山折而北行，爲鳳凰山。再北，爲千佛岩。其位置在南障城鄉東南，七獅村西北。爲是脈之主峯。高達千餘尺。岩在絕頂。兩壁鑄千佛像。縣志是脈全長，僅十餘里。支脈無多。爲六大山系中最短而最簡單也。脈中產有鉛鑛，但不甚豐厚。

(六)蒼巖山系。自晉省平定縣諸匯鄉東北之白家寨嶺北走，入縣境南，起主峯蒼巖山。層巒疊障，壁立萬仞。橋樓結構空中，廟宇輝煌崖裏。古木環圍，煙雲繚繞，宛

如畫圖。

縣志

爲縣境內第一名勝。東迤有智公岩巒駕山諸峯。自巒駕山蜿蜒而北

行，爲石牆嶺。懸崖險峻，路僅一線。

方輿紀要

延至割髭嶺鄉，爲割髭嶺。相傳漢光武擊

赤眉，駐蹕於此。元氏尤來大搶之徒，皆割髭變帽，由此遁去。因名。

清一統志磨兒寨，名

磨盤山

縣志

即在此嶺南。自此嶺再向東北行，歷石佛嶺，至金柱嶺。嶺上產石棉甚多。蜿

蜒北走，爲苗峪嶺。自苗峪嶺折向西北行，至後亭鄉北，爲紅砂嶺。嶺西有天晴岩

十字窪山聖母岩天佑山諸峯。延至後掌鄉東，爲萬步嶺。再西北行，爲佛爺山大

東嶺。

一名鳳凰山

自此嶺向東行，至下安鄉東，爲仰字嶺。俗呼亮子嶺。西北走，經虎頭

山，越平望溝北，爲蜈蚣山。再北，至三峪鄉東，盤結爲團尖山。又名掛雲山。

縣志

峯，圓

而銳。

清一統志

爲縣治東北第一高峯。馬子峪山平望嶺草梁寨隔節礮四瓦寨，月芽

山，簸箕掌，皆其支阜之別出者。自團尖山向西北走，至白花鄉東，爲白花山。沿白

花山分支西行，綿布於白花孫莊北王莊諸鄉之間者，有雙峯山望山寨礮諸峯。

其正幹，由東焦鄉北走，爲光祿山。山之東，爲鮑家山。再北，爲煙堡嶺。出縣境，入平

山縣烟堡鄉止。是脈全長，約計二百里。而其支脈分部於境內者，約計有五：

(1) 羅磻山脈。自石牆嶺分支，斜向西北行，蜿蜒於割髭河甘洶河之間。主峯在

羅峪鄉之東。峯巒矗立，突出雲表。爲縣治東南第一高峯。山腰產銀銅各鑛質。落天嶺、羅峪嶺、弔北岸、虎頭山，皆是脈中崢嶸高大之山峯也。

(2) 白眉寨山脈。自割髭嶺北分支，斜向西北行，爲割髭河金良河之分水嶺。其

尾端至東水樂家莊兩鄉間分支。一自五嶺山土龍崗猴山西北行，至微水鄉

南清風山止。一自石人山臥虎山向西北斜走，歷神堂岩石佛岩，至翟家莊西

南之青龍山止。主峯在良都店鄉西南。拔山爲險，形勢雄峻。上有天橋。採樵者

側足而度。牛欄寨在其東南。方輿紀要作西南誤峭壁懸崖，宛然牛狀。尾闕，清泉淋漓。達

頂，土田平曠，微有園蔬花木。縣志

(3) 白石嶺山脈。自萬步嶺北分支，斜向西北行，歷西屏山。一名方嶺金耳山亂石

山至白王莊鄉西，結主峯爲白石嶺。古名白皮關。漢淮陰侯下趙，趙關將戰死

於此。今有白面將軍祠。惜姓名不傳。縣志再北，至岩峯鄉南微水鄉北之劍山北。

(4) 仙翁山脈。自虎頭山分支，向西行，亘於南北平望威州鎮段莊馬村諸鄉之

間。主峯在段莊鄉北。上有紫雲洞。相傳爲張果尸解處。清一統志下有通仙觀。縣志脈

中有沈山寨石槽巖苦木礪諸峯。老鴿巖居苦木礪之東。庚子之役，聯軍駐紮

獲鹿，屢次由老鴿巖出兵，窺伺白石嶺。清軍駐紮地皆爲清統領劉光才擊退。

(5) 黃巖嶺山脈。自團尖山東分支，向東北行，經火石礪，至牛山鄉之東南，結主

峯黃巖嶺。再東北，至裴村南之板板山王山而止。

綜觀境內山脈分支，其形勢皆由外而向內。以故本邑自然之地形，中央最低，四周以次漸高。寰宇記云：『四方高，中央下，如井之深，如竈之陘，故謂之井陘。』然則太行八陘中，吾邑獨以井陘命名者，豈無故哉？

河流

井陘之河流，以綿蔓河爲最大。而甘洵河次之。以外，尙有割髭河、金良河，小作河北

峪泉、鵝毛泉、溫泉、冶里泉等，雖不足言源遠流長，然亦各爲支派。茲分述如次：

(一) 綿蔓河。源出山西壽陽縣東。有二源：一出鴉兒峪，曰南芹泉；一出太平峪，曰北

芹泉。水色赤濁，合流名太平河。東流至平定縣界，曰桃水。亦稱桃河。又東流，有南

川水、陽勝水、嘉水、石門河、清玉峽水、澤發水、綿水、太谷水，以次注入。經石峽，至娘

子關東五里，入縣境之南峪村，乃更名綿蔓河。參地名大辭典及畿輔通志 又東流，經北峪村

南，與北峪泉會。沿山麓，至乏驢嶺村西，轉而北向。過山峽，復轉而南下。經乏驢嶺

口，折而東。歷蔡莊、荊蒲、蘭較場，又南下。折東，至縣城南門外。土人名之曰護城河。

東流，經城壕。一名小門 河東，又折而北流，出北關外大石橋下。流經石橋頭莊、旺三

西河南張村、北張村，而至南橫口，與甘洵河會。

(二) 甘洵河。發源於山西昔陽縣西南二十五里少山東麓之沾嶺。發源處名沾水。

北流十八里，折而南，名遡流水。經昔陽城北，東流，有鳴水、石馬石、鑿泉、落陽、趙松

溪、小松諸水，次第來注。又東，過昔陽故城。在今昔陽縣治東五十里 迤邐而北，入縣境之楊莊

口乃更名甘洵河。曲折北流，歷南北孤台柿莊七獅窰南障城北障城孫家峪。山岩梅莊等鄉，至南秀林，有割髭河來注。

(三)割髭河。發源於本境割髭嶺西麓。此水冬伏夏出，東北流，歷南北盧莊南王莊。

塔寺坡塔寺河應張家莊神堂寨，至南秀林，與甘洵河會流。歷北秀林南橫口。

入綿蔓河，合流向東北，經石疙疸南河頭長崗，至微水，又有金良河來注。

(四)金良河。發源於本縣東南六十里之金柱嶺，東北流，歷經石佛長峪吳家窰白。

土坡寶王墓卜村東莊店子良河東，良河西南北良都，至微新莊，有鵝毛泉注入。

(五)鵝毛泉。發源微新莊村西，泉由井中湧出，成一小河，越二三里，至微水村，入綿。

蔓河，合流北向，歷經羅莊石棋嶺岩峯段莊，南北固底，至威州，有溫泉注入。

(六)溫泉。發源威州村，上有溫泉大王祠，與綿蔓河合流，經威坡頭威河西東西元。

村孫莊，至冶里，會神童廟側之泉，流入南北防口，又與小作河之水相會。

(七)小作河。發源於縣西北六十里之梁溝橋，此水夏流而冬涸，與割髭河同，雨水。

大時，則合沿山峽之小泉，東流，經洪河漕新莊、盧家口、欒莊、曹家莊、高求、龔菩薩崖、大王廟、桃王莊、桃林口，小作南北石門窟窿峯高家莊，至南北防口，入綿蔓河。合而北流，歷洛陽北王莊、西焦七畝劉家會，過東冶鄉之西，與平山縣西冶鄉之東，遂更名爲冶河。因流經東冶西冶兩鄉，故取名冶河。一統志：「水溢逆新橫流金九間，取供陶冶之用，故曰冶河。」存備一說可也。又東流，經孟堡鄉西，折而北，歷平山城、西賈壁鄉，至城北合河口，入渾沱河。

綜計境內河流，割髭河、金良河小作河，皆夏流冬涸，無利害可言。北峪鵝毛等泉，水清而淺，足以供澆濯，而不足以資灌溉。甘淘河上游，可收灌溉之利；下游，亦有時乾涸。惟綿蔓河西來北去，縱橫流於境內，約長百里，且水性溫和，嚴冬不冰。其上游，河身陡峻，水流湍急，而水力雄猛，引水轉磨，其勢至便。以故沿河各鄉，營水磨業者，不下百數十家。水磨分二種：一爲「札磨」，在河身附近安設。冬季磨木柴，即香末春季

磨雜糧麪。

俗名雜麪

至小滿節後，則拆去，以防河水漲發。一爲「老磨」，祇磨麥粉

或豆麪，不磨雜糧。安設處，距河身較遠，以地勢較爲牢固，故無間冬夏，皆可照常營

業。河水在上游經過，有兩山相夾，今昔無甚變易。沿河兩岸，雖有少數園圃，可資灌溉；但每逢夏季，河水暴漲，則屢被其害。輕者，淹沒禾苗；重者，一變而成沙礫。至岩峯

以下，水勢漸緩，開渠灌田，利益頗鉅。考舊志載：『防口村民，於雍正六年，營治稻田

四頃二十畝。雍正七年，又營治稻田八頃。續志云六頃一十畝同年，東冶村民，營治稻田一十

二頃。河西灘民，營治稻田三頃。續志云二十頃洛陽灘民，營治稻田二十頃。『續志載：』乾隆

十九年，於劉東村灘，營田四頃六十八畝。乾隆二十一年，於段莊村東西兩灘，營田

七頃五十畝三分六厘四毫。』又查賦役全書本邑報陞科之河淤地，乾隆三年，四

頃二十畝。乾隆四年，四十一頃十一畝。乾隆十九年，四頃六十八畝。乾隆二十一年，

七頃五十畝三分六厘四毫。晚近人口，日益增加。人民對於生計問題，愈益關切。於

是沿綿河一帶如岩峯威州坡頭孫莊冶里北王莊西焦七畝劉家會孟堡諸鄉，沿

甘洵河一帶如楊莊耿莊柿莊障城梅莊秀林諸鄉，咸知引水灌溉，利賴無窮；是以

經營稻田，不遺餘力。結果，各鄉增加富力不少。所憾者：河水不時漲泛，滄桑之變遷

甚速。一般土豪劣紳，暨狡黠者流，往往恃其富力或智力，強奪他人之所有，據爲己有。若輩操縱彌縫之手段，如「賄買吏役」「結合本
地無賴」「偽造契約」等固遠非良善鄉民所能及其萬一。苟或涉訟，官府亦往往受若輩欺蒙，終致公理爲強權所屈。本地有「想打官詞種稻地」之諺，蓋非虛語也。近數年來，鄰邑人士，紛紛來吾邑開渠。事關興修水利，苟非喪心病狂者，曠不踴躍贊同。顧各該渠當事者，大都祇知有己，不知有人；當其經營伊始，百般親善，惟恐事或不諧；迨目的既達，乃利用金錢勢力，勾結當地之地痞惡棍，爲其耳目爪牙；對待善良，則欺侮凌轢，毫無顧忌；有反抗者，即加以「防害水利」之罪名，呈請官府究辦。恃強以陵弱，恃衆以暴寡，損人利己，彼此如出一轍。欲除斯弊，須由省政府委派水利專員，到縣主持其事，庶幾得以持平也。

交通

社會進化，事務日繁，圖各方之聯係，則交通尙矣。井陘僻處山間，道路迂曲嶮巇；交通云阻，古今同慨。然環境改造，端資人力。梯山航海，越陸凌空，天下寧有難能之事。

哉。茲將本邑交通事業，分述七類於左。

(一)大路。井陘古時「驛路」，東由獲鹿縣城，西行十里，入本縣境。歷頭泉上安下

安東天門微水長崗橫口北張村郝西河東窰嶺河東，越治城，經南關朱家驢板

橋長生口小龍窩核桃園，至山西省平定縣境，出固關。長約百里，俗名「大路」。

能行車。雖不得方軌成列，然除第三區北部道路平坦不計外，衡諸全境，則爲首

屈一指之康莊大道。所謂「燕晉通衢」也。清末，正太路成，驛路失修，舊年大路

九月各修一次，如有大工，則募款修治。續志藝文張鉞募修白石城嶺路引及分
修長崗路碑記那彥成平定東路修治石道碑霍元章河東坡石橋記皆敘述修

路事坎坷益甚。迨民國十年春，國際統一會賑濟本邑旱荒，邑紳建「工賑」議，興

修縣路，由縣治起，東至獲鹿，西至平定，北至平山，南至元氏，分段經營，詳見風土
編民生行

不久告竣。一時行者稱便。嗣後，山水冲刷，無人修補，又復舊觀。頃建設局奉令籌

修全境縣路，勘測路線。其路線，大概如次：

(甲)幹路。

(1) 東路 由縣城向東，經河東坡東窰嶺郝家西河北張村北橫口南河頭長崗，微水東天門上安下安頭泉等鄉，至獲鹿縣界，再行十里，卽獲鹿城。

(2) 西路 由縣城向西，經西關較場荊蒲蘭蔡莊乏驢嶺張家窪北峪南峪等鄉，至山西平定縣界，再行十里，卽娘子關。

(3) 西南路 由縣城向西南，經南關朱家瞳板橋長生口小龍窩大龍窩核桃園等鄉，至山西平定縣界，再行十里，卽固關。

(4) 北路 由縣城向北，經北關石橋頭橫澗天護南寨北寨賈莊南北石門窰窪峯高家莊防口北王莊西焦寺莊等鄉，至平山縣界，再行三里，卽平山城。

(乙) 支路

(1) 由東路北橫口鄉向南，至秀林鄉分支。一支向西南，經北障城南障城蔣家轉向西，入山西平定界。一支向東南，經梅莊塔寺坪南王莊盧莊割髡嶺，至

元氏界。

- (2) 由東路微水鄉分支。一支向東南，經微新莊、良都、良都店、東莊、卜村、寶王墓、吳家窰、金柱，至獲鹿界。一支向東北，經岩峯段莊、威州、坡頭、元村、孫莊，至北王莊，與北路銜接。

- (3) 由北路南寨鄉向東，經青石嶺、北固底、威州、五里寺、平望，至獲鹿界。

- (4) 由北路賈莊分支。一支向北，經小作、趙東嶺、小寨、北康莊、南北陘、楊家溝，至平山界。一支向西，經桃林坪、桃王莊、大王廟、曹家莊、變莊、盧家口、新莊、洪河、漕梁溝橋，至山西孟縣界。

- (5) 由北路西焦向東，經東焦、牛山、馬山、宜安、裴村、新寨、四鮑莊，至獲鹿、平山兩縣界。

上述縣路，果能籌有底款，歲歲修補，則由縣城起，東至獲鹿，西至平定，孟縣南至元氏，北至平山，皆可通行大車。以後，再將各鄉往來之支路，逐段修治，令其平坦。

則境內之交通，當較前便利多矣。所望者：縣路修竣後，必須令各區各鄉，分段負責，隨壞隨修；勿再蹈民十覆轍也。

(二) 津渡。

本縣山脈蜿蜒，河水迂曲。鄉民來往，有時搭蓋浮橋，舊俗沿河諸鄉每年小滿拆橋霜降搭橋

有時褰裳涉渡。

小滿節後霜降節前

然山洪暴漲時，河底變遷無定，河水深淺無常，故昔年

沿大路之河東坡、三西河、微水諸鄉，與北路之南固、底北、防口、洛陽諸鄉，均置有

船舶，以利行人。自正太路通車後，所經河道，皆建築極堅固之鐵橋。微水北秀林南張村芝驢

嶺皆有鐵橋

井陘、正豐兩礦廠運煤支路，亦皆建置鐵橋。

井陘礦支路橋在南河頭與長崗間，正豐礦支路橋在三

西河與莊旺間

城外大石橋，又續修告竣。

參區域城廂概況

故沿河上游諸鄉，往來行人，既無病

涉之苦，舊年船舶，遂廢置不用。而北路，則一仍舊貫云。

附橋梁。

夏秋間，山洪時發，各地以溝澗縱橫，農田往來，諸多不便，故多建築石

橋。

見諸舊縣志者共有二十六

然山洪暴漲，時期短促，此種橋梁，利濟用微。茲將境內舊有

石橋列表於左：

橋名	所在地	距城里數	附
井兒溝橋	棠林村西	縣東三里	
青石溝橋	吳家莊西	縣東五里	明大水衝壞後重修
橫口橋	橫口村西	縣東二十里	
成順橋	微水村東	縣東三十里	
長虹橋	板橋村西	縣西南十里	
平順橋	南王莊村	縣南四十五里	
廣濟橋	北關外		
普濟橋	北關外	縣北二里	
玉孝橋	明靈王廟前	縣北三里	
通濟橋	石橋頭村	縣北五里	即天威軍石橋通濟橋係後人更名又橫澗南 梁兩鄉皆有通濟橋
普渡橋	白彪村	縣北十五里	
平濟橋	橫澗村	縣北二十里	
同聖橋	南正村	縣北二十里	
北正橋	北正村西	縣北二十里	
垂虹橋	趙村店南	縣北二十五里	

天陽縣志卷二 第二編
(三)汽車路 本縣無營汽車業者。民國十六七年晉奉之役，與十九年晉軍西退之際，迫於軍令，縣府派民夫修治。由治城起，經石橋頭橫澗，天護南北寨，賈莊，南北

石門窟，隆峯，防口，北王莊，北西焦寺莊，至平山縣城，爲幹路。由北王莊，經孫莊，元

村，威坡頭，威州段莊，至岩峯。正太路站爲支路。雖曰可行汽車，然斯路所經過地段，多

半爲人民私有之田產，一時惟戎車是利，強行佔用，於人民損失頗大。故軍事停止後，耕者仍各有其田，頓復「我疆我理」之舊。現已無所謂「汽車路」矣。

(四)鐵路 正太鐵路於清光緒二十九年開工，三十二年通車。由獲鹿縣東來，入本

縣境，沿舊年驛路，順綿河左岸，蜿蜒至縣城。復繞雪花山麓，出乏驢嶺隧道，行於

河右岸之山腰，西達娘子關。全境鐵路之長，計約百里。初次路線自頭泉入境向西經上安白王

莊穿山洞出至微水南鵝毛泉折而南行至橫口又向西經西河東窰嶺至南關再西行經蔡莊至乏驢嶺穿洞出過綿河經北嶺張家窪南豁而達娘子關

告竣，因彎曲度太大，每機車一輛，祇能帶重車八輛。民國七八年，改修由頭泉至

南關之一段；自頭泉村南過隧道直至上安村南折而西越岩峯穿洞至微水西

車站是後，機車一輛，可帶重車十六輛。

正太路經過縣境，雖不過百里之長，而迂迴山谷間，過石隧道五；頭泉上安間二

翟家莊一乏驢嶺一五處；在南關嶺之東集林鄉之西長越大鐵橋四；

之石隧道惟乏驢嶺最長土隧道一；約五里爲正太路最長隧道；

微水一秀林一南張村一車行其間，忽高忽低，曲折如蛇行，或沿河岸，或繞山腰，不

第交通便利，而風景亦足多焉。

附運煤支路：境內運煤支路有二：

(1) 井陘(礦運)煤路：由橫西礦廠東至南河頭站；正太路長二十里。此路車軌，無正

太路寬，名爲「輕便鐵路」。

(2) 正豐(礦運)煤路：由鳳山礦廠東至南張村站；正太路與正太路接軌，長十二里

有奇。此路車軌寬度，與正太路相等。

(五) 電報：電報局設於治城東關。創始於清光緒二十九年八月。由獲鹿縣分此。民國元年一月，改爲三等局。十七年七月，改爲支局。直轄於交通部。東通石門市。西

達太原線杆，自獲鹿縣入本縣頭泉，經過微水、橫口、治城南關、長生口、核桃園、
境，至山西平定縣舊關，長約百里。

(六) 電話 沿正太路各站，與井陘正豐兩礦廠，均設有電話。本縣如遇要公，咸可借
用。近年時局多故，每有戰爭，輒遭逃兵潰卒之騷擾。頃官紳爲消息靈通協防便
利計，擬設長途電話。適奉省令嚴催速辦。目今所需材料，已購備齊全。所經路線，
已勘查妥協。總局擬設於縣政府內，即以總局爲中心，分路植杆架線。其路線如
次：

(甲) 由總局向南，直達南關鎮第一區區公所。

(乙) 由總局向西，經較場、荆蒲蘭、蔡莊、乏驢嶺、北峪，至台頭鄉公安第一分局第一
派出所。

(丙) 由總局向北，經北關、石橋頭，至橫澗鄉公安第二分局。再向西北，歷崗頭、東王
舍，至賈莊第二區區公所。

(丁)由總局向東，經河東坡東審嶺三家店郝西河北張村，至北橫口鄉，分爲二支

(子)由北橫口東行，經南河頭，至微水鄉第四區區公所，轉而北行，至岩峯鄉公安第四分局，再向北，歷段莊威州威坡頭元村孫莊北王莊，至西焦鄉公安第三分局，復轉而東行，直達東焦鄉第三區區公所。

(丑)由北橫口南行，經南橫口北秀林南秀林，至梅莊，復分兩股：

(一)由梅莊直向南，經柏山巖牛王廟孫家峪北障城至南障城。

(二)由梅莊折向東南，經河應塔寺坪，至南王莊第五區區公所，再轉向東，歷南康莊三尖山寶王墓吳家審，至金柱鄉公安第五分局。

以上各線，現已成立籌辦處，正在積極進行中。不久安設事竣，縣治各機關，與各區區公所，公安分局，以及交通要衝商民繁雜或距區公所公安分局寫遠之鄉，皆可互通消息，辦事不虞隔膜矣。

〔附記〕上述電話路線，係民國二十年秋所計畫者。現在各線早架設齊全，並不

時增添新線。境內各鄉，消息雖不能全通，但較前便利多矣。二十三年三月，編者誌。

(七)郵政。清光緒二十八年八月，治城設「郵寄代辦所」。民國二年，改爲「三等郵局」。嗣以郵匯紛如，民國七年改「二等郵局」。各區設有「郵寄代辦所」。

如第一區之核桃園，第二區之橫澗賈莊，第三區之西焦，第四區之橫口、微水、岩峯、威州，第五區之南障城、良都、王莊等鄉，皆設「郵寄代辦所」一處。

按：本縣交通事業，向不發達。行如蜀道，人所共知。清代以前，置郵傳命，僅恃驛馬。地處燕晉之交，達官來往，迎送頻繁；邑民恒苦之。清末，修築鐵路，設郵政電報；近且擬置長途電話。來往迅速，消息靈通，較之疇昔，誠便利百倍。然井陘、原屬貧瘠之區，沿大路路驛居民，向以「開店」「放腳」爲副業。全境居民，以轉運或趕驛驢運貨客或

於鄰縣 於鄰縣

爲副業者，亦佔十分之七。概自正太路告成，由石門至太原，不終日而到

達。居民副業，幾盡爲該路所奪。且交通既便，外貨輸入，日多一日；風俗奢侈，日甚一

日。所生產者有限，而所消費者無窮。如不能利用交通，向外發展，則將來民生問題，更難解決。吾陞人士，不可不早爲之計也。

關隘

井陘全境，山嶺縱橫。出縣境而東，如獲鹿平山正定諸縣，皆廣野平原，地勢陡低。若

出縣境而西，則又步步登高，大有高屋建瓴之勢。故就東下而言，則境內固無處非

關隘；一轉而西向，險要便頓失矣。往者，西部關隘，如娘子關。在縣西南三十里，屬山西平定縣。固關

在縣西南四十里，屬山西平定縣。地雖轄於山右，而駐兵防守之權，實操諸本省。明正統二年修築固關城，分兵戍守。

正德九年設管關通判，嘉靖二十一年設井陘兵備道，提督固關等處清順治初設守備，戍守康熙三十七年改設參將，娘子關係固關營設把總一員分守，蓋有

相維相係之旨焉。民國二年，裁本省防守，娘子關、固關、純粹屬山西管轄，與本省無與。

至於東部井陘關，亦名土門關。原係歷史上之名稱，久已無險可言；況地屬獲鹿，實非本

縣所得過問。居今日而志本縣關隘，自當與前人有別。茲參考古今戰事，將邑內險

隘，詳次於左：

(一) 雪花山 在縣西三里。滿山叢林，盡開白花，故名。一名「護城寨」。俗呼「西嶺」。

高聳而秀，頂平。可容萬人。山徑崎嶇。綿蔓河流繞其下。志論其形勢，雖屬平常。然

俯瞰全城，正太路蜿蜒於山麓。

由東來折而北，又轉於西。

舊驛路斜抱於山南，實娘子關兩關道

路之交點。近來談兵事者，謂此地係三晉之屏障鎖鑰，良然。宣統辛亥，晉省起義，少數民軍據此山爲大本營。清軍以四五倍精銳之衆，繞而攻之，血戰三日，民軍卒以後援不繼而敗北。娘子關失守，清軍遂長驅入晉。民國十六年秋，晉奉之役，晉軍退却，固守井陘防禦工程，以此山爲最。翌年春，奉軍大舉攻晉，迫據陘城，相持月餘，猛攻數次，卒未得下。而山西東境，賴以安堵。

(二) 乏驢嶺 在縣西十里。由治城赴娘子關，盤繞山谷，溯河西上，僅通騎步。此嶺橫

亘其間，東連雪花山麓，不高而陡峻，最爲險要。正太路迂其旁，有隧道鐵橋之敷設。民國十六七年，晉奉之役，晉方設戍於此，以稽行旅。蓋此地，乃娘子關東第一

重門戶也。

(三)河東坡 位縣東二里許。踞綿河東岸。驛路繞於前，鐵路迂於後。地勢隆起，遙對雪花山。由治城觀之，恰如左右兩臂。上有凌霄塔，氣象危聳，形勢雄壯。清末辛亥之役，清軍據塔上射擊民軍。今塔身尙遺有戰蹟。民國十七年，晉奉戰作，奉軍據河東一帶山岡；迤南吳家礮王家單家迤北東窰嶺山北諸鄉，皆有軍事設備焉。

(四)鳳凰嶺 在縣北十里。位道路要衝。北連油糕嶺，達橫澗。南下，達治城。如分水嶺然。清末辛亥之役，清軍大木營，即屯於此。

(五)西山 位縣城西北。係「大台山系」東北尾端。爲洪河漕與賈莊橫澗一帶之分水嶺。崗脈起伏，勢多陡峻。如賈莊橫澗之西壁然。民國十七年，奉軍攻晉月餘，就井陘全境論，以西山中之清涼山蛤蟆背爲最激烈；然以山勢峻峭，而防禦工程又極堅固，卒不能破。

(六)白石嶺 在縣東三十八里。古名「白皮關」。土人呼爲「東天門」。道路坎坷，山勢險峻。境內舊驛路之難行，此處殆首屈一指。上有白面將軍祠。相傳爲趙守口將淮陰侯

下趙時戰沒土人因立祠祀之參縣志藝文韓文襲重修白面將軍祠記史載淮陰侯將下趙趙王歇及成安君蘇林

井陘口信未至井陘口夜半傳發令葦山入趙壁隨爲「背水陣」趙軍望見而

大笑平定張鉞謂井陘口卽今白石城嶺參續志參修白石城嶺路引知縣吳茂陵暨吳文楠

咸云趙軍望見淮陰「背水陣」處卽在白石嶺參縣志白石嶺建茶棚碑記及確考淮陰侯韓信背水陣故里

碑記所言均不爲無見清末庚子之役聯軍由正定攻陷獲鹿清廷命劉光才督軍

到井陘堵禦光才駐紮白石嶺分兵防守青石嶺防口諸險隘聯軍數由老鴉巖

縣境平望鄉南出兵窺伺皆被劉軍擊退卒不得逞。

(七)青石嶺 在縣東北三十里舊名「叱日嶺」崗巒起伏遙對西山環抱橫澗賈

莊一帶平原東面高聳一徑中通天然關隘也唐景福二年春晉攻天長軍王鎔

出兵救之敗於叱日嶺晉師出井陘庚子之役劉光才分兵駐守於此掘壕築塹

遺址猶存民國十七年奉方於此進兵橫澗策應南北兩路南路爲駐長崗軍北路爲駐南原軍

(八)河抱山 在北固底仙翁山在段莊西南距城均五十里扼威州向西之

仙翁山

路徑。清庚子之亂，劉光才派兵駐固底段莊等村，河抱山與仙翁山均築有堅固之砲台，遙遙相對；並有極長之陣線。至今石壘砲台之基礎，猶多存者。

(九) 防口 在縣北五十二里。北有鳳凰山，南有虎頭山，東北有馬頭將軍山，東南有

寨礪爲陘，山大台山蒼嶺山三山系尾端之交接處。

鳳凰山馬頭將軍山屬一陘山系一虎頭山屬一大台山

系一寨礪屬一齊嶺山系一

綿河經其左，小作河經其右。由本縣治城赴平山縣治城，此處爲

必經之地。庚子之役，聯軍攻陷平山，統領劉光才會派兵守此，以防敵軍入境。

(十) 黃巖嶺上莊嶺

均在城東北六十里，位於掛雲山左右。

黃巖嶺在山東兩上莊嶺在山東北

地勢陡峻，道路盤迂，僅通騎步，爲獲鹿平山兩縣入境之孔道。

由黃巖嶺可至獲鹿縣由上莊嶺可至平山縣

民國十

六年，晉軍防奉，察山脈形勢，沿縣境修築長壘，黃岩嶺與上莊嶺皆爲第一道防線，曾派兵戍守，斷絕交通。迨奉軍入陘，晉軍乃棄第一道防線，而固守第二道防

線。雪花山洪河漕

(十一) 洪河漕

西自神堂口

縣西北六十里界孟縣

東至小作口

即縣北三十五里之小作村宋史地理志并陘有天威軍小作

口王家谷三峯屈折橫亘於縣境之北。夏秋時，山洪暴發，則水量大，故名。路徑崎嶇，有蜀道。爲本縣入山西僻路。險隘甚多。自昔著名。

(一) 東口 即小作口。南至本縣治城；北，達平山縣回舍；西，通晉省；東，赴平山縣城。所謂四達之衢也。

(二) 西口 即神堂口。界山西孟縣。北至武功口二十里。西至山西孟縣西賈莊十里。幾輔輿圖口北，羣山壁立。由口東，過梁溝橋，東北至洪河漕鄉十里，爲騎馱道。

西橋東，有關門；清同治二年重修。昔有汛兵防守；縣志今廢。

(三) 東西兩口間各鄉 桃林坪桃王莊大王廟高求龕王家峪口。即宋史地理志所載之王家谷

新莊洪河漕。鄉名諸鄉，沿河漕兩岸羅列；如節節佈防，皆甚險阨。就中尤以高求

龕王家峪口新莊爲要衝。蓋高求龕北達米唐崖，而至孟縣。再東北，有仰天池；

壁立千仞，高不可攀。王家峪西北通達滴岩；新莊西北通險隘口；均可入孟縣。

民國十六年晉奉之役，晉軍敗退，固守井陘；北路防守軍，在小作桃林坪桃王

莊大王廟高求龕洪河漕黑水坪米唐崖仰天池各地，步步爲營，深溝高壘，翌年春，奉方東來，數次猛攻，咸未得志。

(七)武功口 在縣西北七十五里。界山西孟縣。東北至達滴崖口，二十里；至小寺鄉。

十里。

小寺鄉係本縣第一區所轄，幾輔與國誤以爲屬山西孟縣。

東南至武功鄉亦十里。山徑崎嶇，僅通行人。

昔有汛兵防守；縣志今廢。

(八)險隘口 在縣西北八十里。界山西平定縣。俗名「門洞」。距王家峪五里。山徑崎嶇，僅通騎步。舊有汛兵戍守；今廢。

(九)達滴巖口 在縣北八十五里。界山西孟縣。北至平山縣黃安嶺三十里。西至孟

縣莊頭十三里。東至險隘口。西至王家峪皆五里。東南至固關九十里。舊有把總

署。繼廢，歸固關營分戍。今裁。按武功險隘達滴巖三口縣志及畿輔通志錯誤甚多，今更正。

(十)驢橋口 口在縣西三十四里驢橋嶺上。北至神堂口二十五里。西至山西平定

縣牛尿泉四里。由口東經驢橋溝八里，至貴泉口。南山後有僻路，亦可至貴泉口。

北山後僻路，可通神堂口。舊由固關營設兵防守。畿輔通志後廢。

(六)楊莊口 在縣南六十里。界山西平定縣。位甘洶河上游。深溝長澗，高山聳峙。爲

入山西平定昔陽之間道。昔有固關營分兵防守。今廢。民國十七年，奉軍攻晉南

路軍，由橫口溯甘洶河而上，攻楊莊口，與晉軍激戰於耿莊上平，破牛金嶺口，至

山西平定縣測魚鎮，尋中伏退歸。

按：子輿孟氏有言：『固國不以山谿之險。』此言有國者當以「人和」爲重，不可

徒恃「地利」也。井陘萬山叢錯，自古列爲九塞之一。時局一有不靖，則師旅之加，

決難倖免。王翦、韓信、郭子儀、李光弼、李克用、徐達，歷代名將，在吾邑留有史蹟者，不

乏其人。秦始皇十八年王翦伐趙下井陘，漢高祖三年韓信伐趙在井陘，徵水背水爲陣，以破趙軍。唐天寶十四年安祿山使其將李欽湊守井陘口，以備西來。

諸軍翌年正月詔郭子儀選良將分兵出井陘，定河北子儀薦李光弼。二月李光弼

出井陘六月子儀光弼合兵圍博陵未下開滹關不守復引兵入井陘至德二年光

弼使部將張奉歸守井陘關景福二年李克用圍邢州王鎰致書解之克用怒擊鎰

大破之遂下井陘明洪武元年十一月大將軍徐達發正定次井陘鳳山峯井陘關

守將李景春降 宋靖康間，女真入犯，本邑無處不有兵燹遺跡。邑中大台天台等山皆當居民避兵處刻石尚存

明崇禎十七年三月，闖寇令其黨徒由山西向東攻掠，住井陘二日，居民多被害。上述種種，皆史乘或金石所載。其情形究竟若何，吾人祇可於想像中得之，尙非目覩而身受。清末庚子辛亥兩役，本地雖飽管兵禍，顧時移境遷，吾人所經過之苦痛，幸已大半忘卻，今亦不欲舊事重提。所引爲大感而不能釋然者：民國十七年春，晉奉兩軍，以吾邑全境爲戰場，酣戰四十餘日，駐境之軍隊，弗念保國衛民爲其天職，對於地方，姦淫虜掠，任意蹂躪。是役也，本地因奉軍而受之損失，計約二百餘萬元。因晉軍而受之損失，計約一百餘萬元。吾邑居萬山之中，土地磽瘠，十年九歉，人民本已貧苦萬分，又無端經此鉅創，哀我小民，其奚以堪！然爾時雙方正在作戰，猶曰在戰線內，不得不爾！去年閏馮與中央肇衅，吾邑爲晉軍出入要衝，人夫馱驟，皆由地方常川供應；迨晉軍敗退西歸，仍留一師，駐居吾邑。邑民前後與晉軍墊支軍用物品價款，又達五十餘萬元。近頃石友三叛變，駐井邑之晉軍，奉令開拔前線，所需之開拔費，及糧秣馱驟，全由本地徵用；石軍解決後，各方軍事，已經結束，吾邑人士，方

幸從此得慶更生，不意甲軍甫去，乙軍又來；地方設徵運局，竭力供給，尙不能滿意。憐憫兵士械不離身，一離長官，即爲所欲爲；人民所受痛苦，將來尙不知伊于胡底。嗟夫！同此國土，同此國民，何以鄰近各縣，地方既殷富，人民又得樂業而安居；吾陘以礪瘠貧苦之區，人民反連年飽嘗兵禍，無時得見天日，揆厥由來，謂非地勢險隘之所賜耶？然則關隘一項，雖爲兵家所重視；而吾陘人一念及之，則未有不疾首而痛心者也。

名勝

井陘以地勢險要著名，似無名勝可言。顧天地靈淑之氣，磅礴宇宙間，人得之則傑，地得之則靈。深山大澤，奇氣實多。陘邑雖陋，豈無一二鍾靈毓秀之區，足以令人留連者？茲將邑民所常稱道之名勝，敘述如左：

(一) 蒼巖山 在縣治東南七十里，胡家灘鄉西南。上有隋南陽公主祠。

自昔相傳，謂蒼岩山爲隋

文帝女妙陽公主，證道處，續志作考辨之謂，係焉帝女南陽公主。

危崖峭壁，高出雲表。山下流水潺潺，游鱗可數。

石蟹成羣。山上石泉淋漓，晨昏無間。古木環繞山腰，濃翠欲滴。白檀滿澗，根幹尤異尋常。斷崖上駕設橋樓，自下望之，真可稱爲「空中樓閣」。兩崖中間，設石磴三百餘級，以通上下；仰視青天，宛如一線。由橋樓至公主祠，路徑廻環曲折，邃密幽雅，如入仙境。祠之南偏，絕壁上開一石罅，穿罅而上，則山田連阡，佃戶櫛比列居，大有武陵桃花源裏之氣象。約言之：此山風景幽秀而孤峭。古今遊客騷人，歷斯地者，題咏頗多；然卒未能窮其勝概。每歲暮春，輿廟會一月。屆期，有正定獲鹿平山靈壽行唐無極新樂藁城晉縣元氏贊皇欒城趙縣隆平柏鄉冀縣南宮深澤東鹿寧晉等各縣香客，不憚數百里跋涉之苦，男女老幼，往來絡繹不絕。雖曰迷信使然，而亦斯山之勝景，宜人有以致之也。

附抄古今人題咏於後：

蒼巖疊翠

宋石存仁

萬景臨諸壑，千峯拱上方。重重烟鎖翠，渺渺樹含蒼。雨過增山色，風來遞草香。

悠然舒遠性，塵世見羲皇。

遊蒼巖（都察院右副都御史劉君元瑞既得告，將還湖州，乃約余同遊蒼巖。

前四首爲聯句，後四首別元瑞者。時嘉靖四年四月初三日。）明喬字

角巾危坐兩峯巔。字面面僧居出紫煙。南國更誰逢勝事？麟東林仍我繼新篇。

丁丁伐木風前度。字杳杳疎鐘天際傳。寶地定應留玉去，麟笑將禪學比坡仙。

字

誰施神手刷雙巖？字天畔飛虹勢轉巖。畿輔自宜留勝概，麟山林如待勒高銜。

壯同劍閣居堪卜。字秀並龍門句屢芟。此地有誰曾此別？麟人間應訝隔仙凡。

字

直窮幽勝幾人來？字兩地齊雲繡若堆。丹堊橫空飛閣起，麟螭龍擎日梵宮迴。

僧棲石罅頭顛異，字花散珠林眼界開。方外巖居誰第一？麟掃煙時坐說經臺。

字

巖陰鐵笛度山雲。

字

天樂真從上界聞。絕澗俯看雲起處，

驕

危梁倒跨石中分。

醉摩蒼蘚留題遍，

字

靜倚青松弭蓋勤。五十年來方一到，

驕

可教三宿又離羣？

字

東巖千仞絕紛囂。屢爲懷人折簡招。枉駕可能臨翠幘，題名先擬勒青瑤。閒尋邱壑辭臺省，近識雲林遠市朝。珍謝中丞能好我，越箋重疊灑吳毫。

兩峯相望陟崔嵬。鳥道盤盤去復廻。萬劫禪房森上列，千尋鬼斧劃中開。同行肯惜辭羣醉，勝地翻驚冒險來。遙想金陵舊遊處，夢君多在雨花臺。

翠巖排闥峙東西。巨壁巉巖所見稀。夜壑風廻龍起蟄，春山花發鳥爭啼。歌同芝嶺辭高蓋，隱愛蓮峯拂賜衣。惆悵親知南國去，勝遊三宿未能歸。

複道飛橋百丈懸。花宮高下翠微連。林疎旌蓋披層靄，巖迥笙簫出半天。遍倚危闌情久注，遠馳華札句先傳。歸來旅宿空山夜，東望星輶若箇邊。

蒼山題壁

清魏一鰲

山怒拔天外，雲開不受拏。檀林矢白日，藥草薦新茶。礪陡梯登岸，樓空蠶放花。
黃昏鐘磬發，驚起欲棲鴉。

游蒼山記事（仿柏梁體一百韻）

桂林侯少田

名山勝跡天所鍾。每恨佳境常罕逢。我客威州閱五冬。閉扉不出如蟄蟲。山形
綿亘殊平庸。何曾一見青芙蓉。層巒開淡無奇容。荒涼止有荊棘叢。每攜游屐
心先慵。登臨何處豁雙瞳。友人語我陞山東。蒼巖古剎高且崇。浮嵐積翠畫難
工。氣象蒼莽復葱蘢。我亦尋幽興正濃。一鞭策蹇隨奚僮。是時山霧雜氛冢。無
端冷雨來濛濛。征衫盡濕無處烘。蕭瀟窮笠颺西風。茂才愛我胆氣充。沽來美
酒誇新豐。縱談四座俗耳聾。豪氣已塞山之罅。張君邀我策短筇。聞尋石徑行
躑躅。半山駐足心怱怱。下視村落蒼烟籠。欲鼓餘勇無由從。石菴小憩敲清鐘。
四圍暝色忽朦朧。歸途唧唧號寒蛩。主人待客敬且恭。素不謀面情何隆。婆娑
起舞酒正醲。一醉跌倒心融融。聯床笑譚恣談鋒。懽聲夜半驚山農。黎明卽起

牽花驄。蒼山隱隱隔長纜。崎嶇鳥道不敢蹤。迎面但見山重重。荒村枕藉日已紅。留賓深感田舍翁。同行三五音登登。一徑草色青蒙茸。泉聲漱玉鳴淙淙。參差怪石都玲瓏。峯腰忽現梵王宮。層層峭壁森青松。根盤偃蹇如虬龍。無名古木紛橫縱。禪關幽邃烟樹穩。林巒鎮日雲霞封。巖花澗草飛游蜂。衆壑譁然應鳥囁。茂林白晝走猢猻。谷深恐有千年熊。澗中一綫望穹窿。懸厓止有鷹集獅。梯雲磴道何崢嶸。攀援直上仙境通。半天樓閣跨飛虹。風搖簷鐸聲錚鏘。巍然紺宇迷雕攏。良材畫棟皆松棕。菩提法雨蘇愚蒙。年年聚會撞金鋪。僧房萬劫無兵戎。那知人世豐與凶。兩山對立擬華嵩。飛橋百尺懸虛空。危欄護險如垣墉。琳宮照耀眩丹彤。帝君浩氣鎮羣兇。萬古貫日真精忠。前山佳景不可窮。天然石作香爐供。獨立蒼茫嘆渺躬。奇觀如此稱神功。俯視下界目昏聩。更上絕頂開心胸。法臺高聳青霄中。猿行我獨登其峯。昂頭伸手摩蒼穹。大聲一喝霹靂同。諸公退蕙腰如弓。呼我下飲恣懽悰。詩留古碣思喬公。我輩借來有蔡邕。

抄詩賭酒與未終。此游翻悔太匆匆。蕭疎落葉飛梧桐。新霜點染秋林楓。
吹我下崆峒。芒鞋輕健如樵童。我來到處尋芳踪。身世都忘付梗蓬。途窮日暮
心尙雄。大笑當年阮嗣宗。

蒼巖疊翠

蘇彭齡

重重疊疊翠屏環。畫出蒼巖萬仞山。仙掌叢開疏鳥道。佛頭亂點叩花關。青圍
古寺雲千片。綠掛甘泉水一灣。夏滴秋妝春更笑。「蓬萊佳境」幾人攀。

重遊蒼山（得十二韻。咸豐辛酉三月十六日）

梁韓鎮

一逕草痕蘇。四圍山色碧。簇簇見蒼巖。層層攢古柏。劇憐名勝區。能識重遊客。
野鳥自迎人。樹根長抱石。同來書院中。小憩登山屐。行宮歷百年。磴道懸千尺。
時方日未中。陰翳昏如夕。峭壁極崢嶸。蒼顏間青赤。橋樓如鬼工。法臺豈人闢。
健步笑吾曹。攀蘿窮勝蹟。世界判人天。憑臨感今昔。興闌方下山。東道已陳席。

蒼山十六景（同治乙丑九月一日）

前人

(1) 巖關鎖翠

巖關亦惟蒼翠從龍不能見山中之樓閣也

洒人雙目小蒼穹。萬壑千巖過眼空。慚愧名山翻傲我，重重巖翠鎖瑤宮。

(2) 風泉漱玉

山下流水潺潺游鱗可數

紅塵不到碧雲封。一路風泉引客蹤。似恐遊人清興寂，吹將疎韻度前峯。

(3) 懸磴梯雲

石磴千尋青天一線午風徐至透胎生寒

最高寒處見雲幢。石磴陰陰酒力降。疑是巨靈逞游戲，摩天孤壁擊爲雙。

(4) 峭壁嵌珠

兩巖分處內銜黑石大於斗常靈官殿脊之上巖色令謝公指爲山靈所在後人述之尤多附會之說

兩峯銜石色微緇。人道山靈舊在茲。山果有靈能作語，也應對客索新詩。

(5) 橋殿飛虹

南北兩峯相望中架橋樓以通佳氣洵足補造化之工增山林之色矣偉觀哉

繡壁雙分聳翠微。橫空金碧若虹飛。憑闌不見來時路，蒼莽無邊隱夕暉。

(6) 絕巘廻欄

上覆危崖下臨絕壁山腰鳥道周遭外護廻欄如雉堞榜屋禪房古剎石碣浮屠曲曲引人入勝

路轉峯廻接太虛。傍厓半是老僧居。我來塵念消除盡，欲借精廬讀道書。

(7) 虛閣藏幽

正殿舊肖妙陽公主像，殿後石洞深不可測，道光丙申歲，邑令李公改爲伏魔大帝殿，古洞塵封，香灰零落而已。

巖下仙宮入畫圖。瓊華紫翠小芳壺。青鸞一去林花落，洞口雲封半有無。

(8) 空谷鳥聲

同人攜酒肴，圍飲佛剎外，俯視萬木，貼地如浮萍。時有山鳥一鳴，聲振巖谷，誠俗耳針砭詩，鵬鼓吹也。

石闌干外野烟低，萬竅商音聽欲迷。山鳥一鳴巖谷應，冷然寒翠墮前谿。

(9) 尙書古碣

前明尙書希大，致政後與劉中丞元瑞唱和，其上石碣存焉。

臨風弔古發幽懷，宮保勳名逐霧霾。賴有殘碑遺殿角，文章不受白雲埋。

(10) 陰厓石乳

山之西南隅，陰厓沈濕時，巖山泉如疎雨，昏晚無間，上懸石乳，纍纍然。

翠巖深處絕塵埃，疑有仙人種玉來。厓下至今留石乳，疎疎晴雨長莓苔。

(11) 說法危臺

臺上築一臺，劉雲臥一四字，傳爲尙書中丞，假息之所。然地勢險絕，無階徑可循，同爲四人，惟少田攀登其上，余未親歷，其境作是

嘲解

巖崖崩劣石紋皴，前輩喬劉跡已陳。莫笑鱣生窮勝懶，少年肯學臥雲人。

(12) 窳開別天

前厓斷處，有石窳如環，循梯出其上路，甚危，數武之外，則見山田數頃，迤接雲峰，不知身在層巖也。

曉曉危逕踏歸雲。天上人間一窻分。到頂轉忘高處險，桑麻鷄犬樂耕耘。

(13) 碧澗靈檀

澗中無土樹根皆抱巨石枝幹無皮滑溜如新刺且濃蔭青蒼不殊沃土所植真靈境也

選勝重來手自捫。枵槎拔地抱雲根。何年剝落凡皮相，修得梅仙石上魂。

(14) 山腰綺柏

山半石罅內紛攢古柏如虬龍旁生側出皆有奇趣自下望之雅爲蒼巖點綴入畫

斑斑晴翠點層巒。躡躑登臨賦大觀。莫怪枝柯皆太古，語根原在碧雲端。

(15) 爐峯夕照

正殿東向對面小峯疊翠如香爐好事者爲樹三石柱於上

依稀面目認廬山。雲裏爐峯縹緲間。夕照半烘游氣裊，東來紫翠撲巖關。

(16) 書院午陰

山門內舊有一蒼山書院一三楹高林遠屋無縫每思與二三友人讀書其中至今未果

暫憩芒鞋石檻邊。苔痕冷濕護輕煙。日光不到忘晨夕，絕似丹邱小洞天。

五遊蒼巖歌

(己巳暮春) 前人

清明已過風微和。楊花撲面春雲多。沿谿東上復南折，濃翠合處爭嵯峨。陰崖去天不盈尺，中懸一逕偏且頗。馬力旣屏驢步蹇，捨騎拾磴愁蹉跎。峯巔荒祠

就傾圮，苔繡古碣無人摩。四顧巖壑半蒼莽，紛紛環鎖兒孫羅。上山艱難下山
易，峯廻路轉出烟蘿。斑斕怪石夾谿徑，撐拒流水疑靈鼉。數頃山田抱山脚，大
麥小麥緣坡坳。山開遠望見墟落，人家烟火偎林柯。老嫗舊識竊相語：「此客
連歲頻相過。」呼以「香客」。我漫諾，茶棚小憩登山轡。西方之人服神惠，黃
童白叟偕青娥。三步一拜森仰止，香烟繚繞來奔波。幘幡旌旄萃林藪，鳴鑿伐
鼓如鄉儺。忽然雷霆走萬壑，婆娑起舞驚天魔。我遊茲山凡五度，今遊與昔真
殊科。勝地翻空成色界，粉白黛綠填巖阿。助以絃歌間金鼓，嘈雜止恐山靈訶。
故人攜酒勸我飲，瓊筵花坐舖青莎。醉後乘興重登覽，餘勇可賈神番番。却喜
腰脚健猶昔，如猿升木窮煙螺。徘徊石罅未能去，安得斗室爲行窩。賞心娛目
興何極，聽我五遊蒼巖歌。

蒼山懷古

蔡汝璣

殘碑遺殿角，數尺撥雲開。文字光珠斗，勳名列鼎台。重磨糜白石，細認掃蒼苔。

讀罷空惆悵，喬劉安在哉。

說法臺

傳良策

蒼山之高高極天。石磴層層直到巔。上有古臺占一偏。嘉名膜拜問枯禪。枯禪破衲袒一肩。答曰：『在昔開皇年。公主妙陽立志堅。神通正法悟真詮。寂坐空山豈偶然。俯視衆生絕可憐。普度不止億萬千。說法臺成證夙緣。明心見性月印川。座上千人盡洞元。巖石點頭貌似嗎。天花亂墜下瓊筵。妙陽已去不復旋。遺蹤猶在證心傳。』我聞此語殊拳拳。平生志慮爲誰煎。不如名利皆除捐。邂逅沙門證果圓。環山萬疊翠娟娟。且復執筆展吟箋。一曲高歌臺上眠。

蒼山十六景

名韓

孝廉原韻

吳郡三

(1) 巖關鎖翠

山城危峻接長穹。萬斛塵氛一掃空。知是天公工造設。不教嵐翠出仙宮。

(2) 風泉漱玉

井陘縣志卷一
第一編
漱玉聲邊翠靄封。泉清風暖逐行蹤。從茲步入青雲路，身到蓬萊第一峯。

(3) 懸磴梯雲

縹緲雲中建佛幢。懸崖石磴碧陰降。何年破壁龍飛去，掃就天梯世少雙。

(4) 峭壁嵌珠

溜滴珠圓一點縑。是誰磨涅嵌來茲。山靈有意誇騷客，多少名流爲賦詩。

(5) 橋殿飛虹

千丈虹橋望入微。天光雲彩共樓飛。會當有鳳來儀日，翩翩高鳴絢彩暉。

(6) 絕巒迴欄

石界如欄轉太虛。中阿却好嬾殘居。題詩我羨紗籠碧，墨染鴉青壁上書。

(7) 虛閣藏幽

欲將仙閣繪新圖。笑指山陰叩玉壺。賦罷子虛雲縹緲，迎來洞口有還無。

(8) 空谷鳥聲

登臨絕頂顯高低。佳境休教眼界迷。空谷有音傳好鳥，羣山相應在遙谿。

(9) 尙書古碣

遺老當年具雅懷。壇登詩酒戰風霾。至今題有貞珉在，不任黃花白草埋。

(10) 陰崖石乳

錐懸石乳隔塵埃。露沁華圓翠滴來。儼是玉釘崖下掛，多年蔭雨繡蒼苔。

(11) 說法危臺

片雲高臥石臺皦。四字橫空古蹟陳。此是喬劉留勝處，漫將說法誤遊人。

(12) 竅開別天

爰從梯上步青雲。一竅開通天地分。試向人間睜慧眼，近依日月照耕耘。

(13) 碧澗靈檀

疑經客手往來捫。脫盡凡皮未脫根。抱有仙家仙骨在，長生石上種真魂。

(14) 山腰綺柏

團圓石柏綴重巒。寒翠紛拏著大觀。疑是米家書畫手，濃青繪出掛崖端。

(15) 爐峯夕照

遊人指點是香山。插向天然罅樣間。鴉影亂翻煙縷縷，數聲鐘磬徹禪關。

(16) 書院午陰

紅塵飛不到山邊。十笏清房護翠煙。坐久譚禪忘卓午，此身端在綠雲天。

旅行蒼巖山偶題

陳懷仁

雙崖斷處造樓工。彷彿凌霄駕彩虹。仰視孤高盈萬丈，登臨疑是到天宮。

與友同登憶舊因。「喬劉雲臥」字形真。石臺今日依然在，不見當年說法人。

蒼巖自古號名山。一竅高開未易攀。幸有天梯臨絕頂，此身恍入晉桃源。

遊蒼巖歌（時在民國甲寅三月中澣）

蔡承澤

涇城東南七十里。有山秀峭名蒼巖。浮嵐疊翠神仙境，巔絕幽邃非同凡。山好空聞目未見。心藏廿載徒馳戀。今年約伴特來遊，必欲一識靈山面。行行兩日

方見山，一見使人驚且羨。山杏嫣然笑迎人。山下泉流草自春。泉韻琤琮漱寒碧。顧覺紅塵消無迹。迎面巖關翠藹封。名山定厭來凡客。對聳雙峯摩碧空。一徑當中鬼斧擘。滿澗古木蔭交加。根似虬螭蟠巨石。層層石磴作雲梯。高懸料與青天齊。一登森然一動魄。此時惟祝神提攜。仰見橋樓飛半空。金碧輝映橫晴虹。爲通南崖往來徑。妙奪蒼天造化工。峭壁直分一道纒。中嵌孤石形倅珠。相傳「山靈」即係此。地脈彷彿通蓬壺。廻欄護險類雉堞。石徑參差若浪疊。

欽斜曲達貴主宮，神燈佛火光芒接。

隋煬帝女南陽公主曾安禪於此。後人爲建行宮以祀焉。香火甚盛。探奇聯

步西南來。石壁豁然一竅開。舉足登梯出其上，爲攬勝跡翻忘危。曲循烏道凌絕頂，別有天地無囂埃。三五人家樂畊耨，何殊仙子住天台。轉身更至陰厓畔。年深石乳成奇玩。如肝如膽如肺腸。萬狀橫陳難名喚。忽聞山鳥時一鳴。鼓吹

詩懷敵水清。古柏旁生還側出，點綴山腰似畫成。回望石臺突兀起，其勢險絕

尤奇詭。聞說臺曾臥喬劉。

明喬希大尙書。劉元瑞中丞。

惜未登臨一顧視。聞臺之巔竊有喬劉雲臥四字。恨追

於時不及
攀登一覽

形勝一時搜難盡。諸山羅列青排笏。東出小峯肖香鑪。隱約微有

痕引。撫景我覺吟興超。隨風咳唾生瓊瑤。恰喜山僧頗解事。安排椀茗來相邀。
相入禪房話時許。同伴忽作歸休舉。夕照無情催下山。俯瞰下界真塵寰。下山
左折至書院。周遭綠樹重陰環。記捫古碣未及讀。悔心猶自橫胸間。小憩愛此
清且幽。匆匆獨恨難久留。回頭相與名山約。他日鯁生更續游。

重遊蒼巖（時又五月二十一日）

前 人

笑問名山識我不。鯁生又到續前游。雨來先把行塵洗。

到山時
適遇雨

鳥似歡迎好韻

流。徧讀古碑懷往昔。更於虛閣訪藏幽。法臺千丈凌霄漢。冒險攀登豁遠眸。

三遊蒼巖道中作（乙卯夏）

前 人

水灣轉過又林灣。三度搖鞭爲看山。一路雲巒如識我。爭先迎接帶歡顏。

到蒼巖。無何大雨。因留僧舍。數日天晴。觀瀑布。

前 人

蒼巖有泉無飛泉。山好終嫌景未全。偏當盛夏大雨後。突來兩道瀑布掛向危

崖前。又似晶簾垂不捲，近睇珠璣拋紛然。涼灑面，碎擊肩。疑是銀河怒決奔下天。

四遊蒼巖（二首癸亥杪秋）

前 人

佳境欣看與衆殊。重巒疊嶂勢縈紆。千林綠間紅黃色，若爲余來飾畫圖。
已與名山成久別，豈期又至滌襟塵。秋光不許吟情淡，柏翠楓丹轉勝春。

五遊蒼巖與寺僧宿晨起題壁（癸亥仲冬）

前 人

夜止僧寮宿，朝題壁誌緣。山深遲見日，屋小暖含煙。澗樹森然合，橋樓空際懸。
來途渾不辨，疑在白雲邊。

憶蒼巖（風流子）

梁韓旗

芒鞋曾選勝，登臨處，佳境慣留人。憶流水滌魂，巖關拾翠，春風攜酒，懸磴梯雲。
偎闌立，青蒼窺妙相，古秀見精神。說法危臺，香殘花雨，尙書遺碣，字鎖苔紋。
別來頻迴首，煙霞舊夢在，暮靄朝曛。五度勝遊如昨，往蹟都陳。料山靈久識，應

懷醉客，辱顏冷笑，遠謝囂塵。準擬石廬重造，再證前因。

游蒼巖山記

任縣宋清吉

井陘以多山稱。峯巒屏列，到處皆然。而山之秀拔者，厥惟蒼巖。相傳爲隋南陽公主證道處。雖仙跡靈威，語涉荒誕；然林泉幽雅，夙稱勝區，應不乏高人逸士棲遲其間也。余家居時，久耳蒼巖名。辛亥歲，承乏井邑高小學校講席。閒窗遠眺，萬峯如笏，雙瞳爲之一新。蓋故鄉固無此湖山耳。時與同人談及蒼巖之勝，始知山去城，僅六七十里。屢擬往遊，而卒不果。以路途崎嶇，而賤軀又在弱，不習涉險，故知己者多尼其行也。民國二年四月朔，學校放春假。生徒咸歸。始決計遊山，一償夙願。同行者，爲焦君潤卿、齊君价人、賃三騎，聯轡登程。余素不諳騎。且山路艱澀，頻虞顛墜。然數里之外，漸覺安適。時當春暖，碧柳紅杏，點綴於石坡間；澗邊沙鳥，格磔飛鳴，俱足助人遊興。山中村落較稀。懸崖壁立，寂不見人。忽有炊烟縷縷，起自林際；迨峯迴路轉，始見三五茅舍，聚處土坳，距前路僅

隔數武耳。余口占一絕云：『林巒重疊路迢迢。桃蕊含羞柳色嬌。數縷炊烟村舍近，人家三五住山腰。』蓋紀實也。途中見峭壁上有石洞，洞口置木梯一架；詢諸土人，則云：『有仙靈據其中，梯亦不知爲何代物。前數年，曾有樵夫攀援，驟升，見木梯完好無缺。洞中石筍嵯峨，鐘乳森森，下垂深遠，莫測其底。』以余觀之，洞口之梯，殆昔年避亂者所設；木質較堅，而地又高燥，故多年不腐也。是日，晚六鐘，至山下胡家灘村，借宿警務分所；山村無旅邸故也。次晨飯後登山，警兵導之往。騎至山門，不能前；乃下騎步行。自山門至橋樓門，石磴三百餘級。余胆怯力竭，賴焦君扶掖甚殷。橋樓者，乃架橋於斷崖，而建樓其上；此入門第一景也。登樓俯瞰，則道旁檀樹，枝葉交加，不復見地。昔人稱佛地曰「檀林」，此真可謂「檀林」也已。余有句云：『最是綠天深處好，空中樓閣彩虹飛。』卽指此也。寺僧待茶甚殷，並導觀一切。山有危峯，峯顛方石，其平如砥，題有四字，曰「喬劉雲臥」。爲明朝尙書喬公字，借其友劉君手談處。故石上刻有奕局痕迹。

俗名棋盤石

焦君與余，以峯勢巔劣，不敢涉足，惟齊君賈勇獨登。據云：『俗所謂

局者，乃印章也。雖篆文模糊，尙約畧可辨。』識其文如下：「國」然齊君以貪

看山色，而廟中有喬公所題石碣，寫作俱佳，反未暇一讀。故余調之有句云：『

慚無捷足先登力，文字因緣反勝君。』廟之正殿，祀南陽公主像。有井陘知事

言公家駒所撰碑文，力辯舊說妙陽公主之非。即演劇中香山一齣考證鑿鑿，有淵雅自

矜意。噫！鬼怪之說，盡屬子虛。妄言妄聽，不過付之一笑。若存在在證實，則夷堅述

異諸集，祇可聚焚了事耳。余惜其多事，有句云：『說鬼搜神原附會，斤斤考覈

亦痴人。』廟之南偏絕壁上，開一石罅，穿罅直上，則山田連阡，佃戶櫛比列居；

女眷皆修容飾貌，不類農家婦。驟覩之，不勝驚訝。伊輩亦切切私語，作詫客狀。

竊詢諸導游之警兵，始知其皆與寺僧結「歡喜緣」者。前人題石罅曰「竅

開別天」。余戲詠云：『寂靜禪關古嶺巔，善男信女結歡緣。佛門果是開方便，

出竅同登色界天。』佛戒口孽，拔舌地獄，其爲余設一席耶！山下澗水清淺，游

鱗可數，石鱗成羣；土人絕無撈取者；敬其爲神物也。余有句云：『魚蟹亦邀神呵護，一渠流水勝江湖。』際遇有幸有不幸，雖魚鱗亦然。徧覽此山景物，以幽秀勝，不以奇異勝；以孤峭勝，不以宏峻勝。至俗傳七十二景，若「絕壁嵌珠」

「靈井湧泉」「雙塔倒懸」「石爐焚香」等，則穿鑿附會，毫無足觀矣。是日，自早八鐘登山，至十二鐘還寓。飯後返轡，行三十里而暮。宿南障城警務分所。次日晨起，見天陰如黛，恐阻雨，匆匆具早餐，敦促脚夫啟行。出村不數里，細雨紛紛，移時而止。至梅莊，焦君分途旋里。迨距城十里許，雨復浙瀝。是日值舊曆清明之前一日，途上游女如雲，皆粉面鮮衣，登墓祭掃者；雨中裙衫霑濡，鞭驢奔馳，其倉皇之狀，足供嗚喙。余口占云：『廉纖春雨壓輕塵，驢背嬌娃翠黛顰。自濕征衫渾不惜，愁他霑却石榴裙。』到校，正交十二鐘。時假期未滿，齋舍闐如。雨窗無聊，泚筆草此，以誌一時之鴻泥云。

記者曰：『蒼巖滴翠』爲井陘八景之一。滴翠云者，亦不過狀山色之秀潤耳。

乃土人附會，謂山門之下，時有綠露點點；或云懸崖有翡翠石下垂，盲詞囈語，一何可笑！又此山之石，皆作紅色，似砂板岩，當名曰「丹峯」或「赤崖」較爲近實。乃反名之爲「蒼巖」者，何耶？噫！天下之名實不副者，豈僅此山也哉！

(二) 陞山 在縣治北五十里北陞鄉西北五里許。穆天子獵於鈔山之西阿，升於三

道之陞，

穆天子傳

即此山也。山阿深處，有古剎，名石鼓寺。寺內有洞，洞中有石鼓一，係

沙石作成，紋理甚粗糙；上置石佛像一尊，工極精細。相傳大觀五年孟冬五日，該

寺僧懶讚道成，石鼓不擊自鳴。邑人因以「陞山石鼓」列爲井陘八景之一。語

涉荒誕，殊難徵信。寺中古柏參天，蔭翳不見天日。旁有山泉流出，水聲潺潺，其清

可掬。山凹有回聲；每春秋佳日，遊人行經斯地，苟或大聲笑語，則周圍山谷，隨聲

響應，若唱和然。寺之西，有巖高數十丈；上有清泉飛瀑，俗名「瀑布泉」。雖酷暑

隆冬，不涸。夏秋之際，雨多水漲，飛流直下，濺於石上，宛若雪滾花飛；別具一樣風

景。瀑布泉之西，有「獵臺」一處，居陞山之第二高峯。相傳爲穆天子獵鈔山時

所築地廣三畝餘。登臺遠眺，則掛雲仙翁諸山，歷歷在望；庫山鳳凰諸峯，似皆附於足下。與「獵臺」相對之山腰，有石一方，高約七尺，寬約五尺餘，懸空豎立，自遠處望之，石上有「列臺」二字，字跡甚爲顯著。即而觀之，則只有橫裂痕一道，及細碎石紋，縱橫羅列；石面字形，殊難辨認。陁山之陰，有石長七丈餘，寬四丈餘；石旁下面，特書大楷紅字。拭塵視之，僅有「大元國壬子仲春月中浣十有七日」十四字，尙可辨識，餘皆模糊不清矣。附詩一首

陁山石鼓

蘇彭齡

尋得陁山古徑斜。高懸石鼓振雲霞。千頭佛聖門中點，一擊仙人掌上擲。客送虎溪車記里，僧歸蓮社羯催花。媧皇煉後頑心化，空谷傳聲第一家。

(三) 雪花山 在縣治西南三里。滿山林木叢生。每當春末夏初之際，盡開白花。山之得名，卽由於此。昔人因山之位置，附近治城，險阻可恃，名曰「護城寨」。又謂之「臨城古寨」。俗稱「西頂」。高聳而秀，頂平可容萬人。辛亥之役，革命軍即以

頂上爲大本營，與清軍激戰，自是，雪花山之名益著。山徑盤曲而崎嶇。西連石峯山，數爲起伏。山半有甘泉，從石罅流出，汲之不竭。綿蔓河及正太鐵路，環繞山麓而過，如兩巨蛇蜿蜒並行，饒有奇趣。是山，東有文筆對峙，凌雲塔舊名文筆峯，北有大台矗立，下有城內外風景，雜然橫陳。遊人登臨其上，大有心曠神怡之概。茲將古今人題咏，附錄於後：

上元後三日同人登西頂

毛哲

四載井陘縣，西山初次登。虛牕開面面，繡壤列層層。氣與翠峰合，高聯一塔增。何時霖雨霑，春麥滿芳塍。

遠勢鬱嵯峨，環城疊嶂多。千家雜雲樹，一氣俯山河。我輩來登眺，何人發嘯歌。待看春草綠，秀色遍岩阿。

遊雪花山（壬子正月十八日）

蔡承澤

閉登雪花山，縱目類四望。面面重山環，高低排翠嶂。西北山平遠，特以蘊藉尙。

東南山勢雄，嶙峋氣奔放。雪花獨立中，孤高不倚仗。山外皆梯田，參差分下上。田窄而斜平，凹中凸四傍。形旋似螺紋，亦類魚鱗樣。疊巒復層層，起伏翻麥浪。蒼翠雜多樹，離奇景難狀。東去六七里，一塔遙相向。時見火車行，渾似長蛇宕。西來綿蔓河，滔滔繞北漾。勢曲抱孤城，如帶束一桁。山麓有人家，數點炊煙颺。再顧山上人，粉綠紛相抗。鄉俗年年此日婦女來遊此山者甚夥半日恣遊觀，使我心情暢。不覺忽夕陽，微風吹澹蕩。呼伴覓歸途，且話且高唱。到家屋已燈，倍覺吟懷壯。

戊午重陽節，與友人黃憲庭龔嘯雲，同登雪花山。

前人

詩人黃與龔，皆抱遊山癖。佳節重九逢，邀著登高屐。有山名雪花，勢峭聳空碧。三人魚貫行，路似羊腸窄。一里數轉灣，徑曲頗幽僻。移時至半山，小憩斜平石。野菊放新黃，若迎來遊客。起向絕頂登，峰高三百尺。入寺訪道人，屋閉無人迹。黃葉落疏風，颼颼滿院擲。偃蹇柏蒼蒼，碑古苔斑積。時見遠山坳，柿葉紅可惜。止渴忽思飲，泉寒無火炙。因難極其遊，微覺情不適。愆恩下山來，歸坐龔君席。

茶罷不忍離，商量對歎伯。

登雪花山

吳郡三

興來小步出南城，灘上斜陽傍晚行。寨訪棲霞神駕駐，

山上有碧霞元君行宮，山門額曰一碧霞樓，遊

林穿古寺屐雲生。

陳游詩「尋碑野寺雲生屐」

戰場痛灑清廷淚，

山爲革命軍及清廷大戰處

遊客頻

提黨國名，慷慨悲歌燕趙士，酣呼毛穎寫幽情。

戊辰重九晚登雪花山

郝永修

多年古寨號臨城，攜友登高徐步行。酒送白衣他日醉，頭吹烏帽晚風生。隨身

新月如鉤上，凌頂餘霞散綺成。太華峰頭今若到，此遊樂極動詩情。

生逢六十七重陽。此日登高興倍狂。麥出欣看連陌綠，菊開豔羨滿園黃。蘆花

漾白疑成雪，楓葉垂紅似怯霜。新月隨人歸路晚，杖藜徐步下平岡。

(四)百華山

在縣西十里，乏驢嶺鄉之西南。林壑深邃，石磴崎嶇。

方輿紀要旁有張果洞。

縣志

下有綿蔓河。正太鐵路由對面山腰經過，每日忽東忽西，出入於石隧之中，蜿

巉於鐵橋之上。憑山遠眺，自然之風景，一一射入眼簾；亦頗能引人入勝也。附詩

春日遊百華山鍾文英

山勢雖斗絕，山色一何佳。仰攀路崎仄，俯瞰林參差。土瘠難種粟，民窮皆坎柴。

柳綠村口列，桃紅兩岸排。風俗尚淳朴，坦然舒我懷。張仙廟何處，爲禱步高厓。

(五)千佛巖 在縣治南四十里南障城鄉東。山高三百餘丈。巖之絕頂有寺。寺內有

佛像，數達千尊；或以沙石琢成，或就巖牆彫鏤而成。巖旁有谷，高而且邃；中有水，入之甚寒。詢諸土人，皆未能知其深度若干也。

(六)柏山巖 在縣治東南十五里。環山之上部，柏樹成林，常年青翠可愛。甘洵河圍

繞山麓而過。風景既不乾燥，復不平板。山之下部，兩旁赤壁峭立；中有路徑，盤盤曲曲，可通山坳。山坳中有古寺一，深邃而幽雅。由山門至禪房，中隔澗壑，深約十餘丈；兩岸相距約七八尺。澗上駕設板橋，橋板可隨意搭拆；搭之，則內外一家；拆

之，則內外交通立斷。寺僧爲防盜計，恒畫搭板拆。斯亦隱君子所稱爲避世之佳境也。附詩

遊柏山巖 高 絕

杖拖帶秋雲，迢迢躡層嶺。長林半葉紅，朝旭倒其影。一徑入深荒，到寺塵心屏。竹樹何蕭蕭，水泉何泠泠。寄靜愛山僧，引勝窮靈境。周圍嵐氣合，中矗蓬峯靜。柿葉密參天，居人類箕穎。

- (七)相公巖 在縣西北三十五里大里岩村東。以山形似相公帽，故名。山腰有石坎，高而且大。中建殿宇數楹。古柏古槐，由殿前石隙紛攢，枝葉茂密，相互掩映。殿後石鍾乳無數，亭亭矗立；其最大者，高約五尺，圍約丈餘。山泉由石頂點滴而下，清甘可飲；雖天旱，亦不涸竭。殿旁有洞，屈折約五六丈許；惟黑暗異常，非具蠟燭，不能入覽也。

- (八)三官窪 在縣治北二十里張家井村西北。一名蒼山窪。有廟，位於窪之正中；內供神像，係生鐵鑄成。廟周柏樹滿山，不可以數計。東崖之腰，有「水簾洞」；洞中之水，冬夏不涸。北崖上，有石坎甚大；土人名爲「舉人坎」。相傳鄉賢某未達時，

曾讀書其中。廟前有大水池，面積約半畝許；夏季雨量充足時，池水常滿。朱文公
有「半畝方塘一鑑開」之句，此地彷彿似之。廟外田隴連阡，由高而下，櫛比參
差如鱗次；夏季禾稼滿田，遠近青翠一色；登高望之，風景特佳。

(九) 青山窠 在縣治北二十五里東王舍鄉西南。近山脚處，有極大之石坎。坎內建
築神廟，規模宏偉。山下有泉，清淺可愛。夏季雨量充足時，即流出而成小河。亦佳
境也。

(十) 九石洞 在縣治北五十里元村鄉西約半里許之山麓。一名「九連洞」。洞有
二：新一舊。舊洞以無金石可考，未知何年開闢。洞形奇特：上下四周均係磐礴
廣大之岩石，層疊形成。地頗平適，則凸尚少。頂多嶢峨而參嵯。環顧岩壁，崢嶸特
甚。嶙峋坎坷之處，舉目皆是。且三步一竅，五步一竅，偃俛而入，均窅冥紆曲，莫能
窮其究竟。蓋支谷紛歧，幽邃過甚；當地住民，恐中有毒蟲，故無人敢到底探視；但
見鼠子三五成羣，不時出沒而已。然爲狀雖不規則，而結構出自天成，特具一種

妙趣。若以質之地質學家，大有研究探討之價值。且容積寬濶，足有八九間房之大。洞底雖稍幽暗，而近口之處，陽光可入，則頗明朗焉。新洞，係近年發現。開鑿雖用人力，而生成實出天然。本地好事者，以舊洞位於危崖峭壁間，距地足有五十尺，下臨綿蔓河沿岸，未設石欄，來往遊人，隕越堪虞，因擬在洞北數十步處，鑿掘岩石，作爲建樹石欄之用，不意工程甫動，即發現洞口三眼，形作橢圓，周圍石包，中充黃紅砂土。於是好事者被好奇心所驅使，將土掏去，其中果係一龐然古洞。容積，比舊洞更大。而玲瓏奇特，亦迥非舊洞所可比擬。且有堅硬如石之天然土柱，遍處森立。有大小不等之哈嚕窩，棋布岩壁。其奇巧天成，實與蜂房無異。好事者遂在新洞口前方，建抱廈三間；又在岸邊築玉皇閣一座；閣下砌以石磴，使人來往；並在閣前半山腰處，塑靈官像二尊。功成之日，大演開光戲三日。四方來此頂禮膜拜者，日以萬計。此其舉動，雖屬愚罔，然經過此次點綴，風景更增色不少。較之昔日單純天然之美者，直不可同日而語矣！自此，遂名舊洞爲「南

洞「新洞爲「北洞」而總名之曰「九石洞」約言之此洞背負臺山而臨縹水橋梁橫跨行人如浮水磨當河儼如孤島身臨此地可以滌塵慮遣憂懷一若置身蓬萊仙島幾忘其在一山崖洞口也者是誠天造地設之勝境也

(七)西巖洞 在縣治北五十里南防口鄉貓寨山之右形勢奇譎峯巒環抱南視天臺北望庫寨東眺平邑西覩肩山至秋日黃花紅葉掩映洞前牧子樵童歌謳山際固奇境亦幽境也

重陽日遊西巖洞 (光緒乙酉) 傅汝驤

聞道西巖古洞幽。仙人佳話記從頭。亦名仙人洞相傳昔有羽客修煉於此故名重陽令節尤須到，

只爲高瞻萬里秋。

攀蘿披棘度煙霞。半嶺黃開野菊花。漸到幽溪人漸寂，一林烏相唱寒鴉。崔巍疊嶂石巉巖。鳥徑高臨百尺巖。路曲那堪艱步履，桑榆日影半山銜。

雲嵐轉傍眼前生。傳出樵謳四五聲。笑道中峯西便是，向余指點最分明。

前途導我力攀緣。到此渾如別有天。最是青峯排兩岸，買山不費一文錢。
草鎖苔門壁篆_幽。柿林點染半巖遮。閒依洞口偏西望，黃葉山前是我家。
尺巾徧拂淨無埃。愧少當年謝客才。石上詩題三兩首，幽人終是不虛來。
茱萸泛酒入脣香。醉後長歌莫厭狂。翻笑白雲舒捲瘁，高風人侶古羲黃。

日斜興盡醉言歸。陣陣清風拂短衣。好鳥渾如憐客去，數聲燕燕向人飛。

此
時
尚
有

燕山

歸途半晌繫相思。庫寨天臺孰似之。勝地他年當復至，古松好聽羽仙棋。

(七)龍窩寺 在縣治西南二十里小龍窩鄉西，大龍窩鄉東。寺周羣山環列，石壁嶙

峴。古柏紛攢石罅中，旁生側出，儼若虬龍；蒼翠蓊鬱，饒有奇趣。寺址位於山之東北麓。東西兩端，各建石閣一。中間爲燕晉往來之驛路。故寺中石壁上，古今人名題咏頗不少。茲錄之於左：

遊龍窩寺

明石 珩

石磴嵯峨偶一登。塵埃身到白雲層。萬山舒盡平生眼，欲把閑心付老僧。

題龍窩寺

(明崇禎壬午)

中州范志完

此四字橫題於石崖上每字約方一尺

柏簷石壁

井陘之龍窩鋪三山壁立，高可百仞。中有古柏十餘株，出自山隙，籠罩石壁，宛若花蓋。不知何代，琢成石佛數尊。完過而奇之，遂題其上曰：「柏簷石壁。」並贅一偈，以志不朽云。

石上無佛，琢出斯形。石上有佛，未琢斯冥。風謾謾兮柏青，水湛湛兮石冷。是石是佛，一燈營營。

遊龍窩寺

(崇禎壬午春)

李桂陽

千山積翠合，半壁出香臺。巧借人工就，奇疑鬼斧開。柏簷何壯也，石室更幽哉！徙倚此中味，塵心頓作灰。

題龍窩寺

(康熙庚午年)

武林范可銓山啓氏

龍窩偏占碧山阿。王事馳驅喜再過。谷口雲封行處斷。山前花落坐來多。靈禽

共聽生公法。香草高棲燕子窠。暫借烟霞消俗慮。夜眠長唱紫芝歌。

庚午之秋。予奉使抵郡。道經龍窩。少為憩息。見夫名山古剎。木喬蒼烟。極天

威之靈秀焉。低徊久之。復有住持寶山禪師者。從而指溯之。因賦此以志曠

觀。兼啟名賢之珠玉云。

過龍窩寺作（道光己酉十日）
祁霽藻

龍窩寺底老龍眠。龍洞深藏別有天。但願興雲作霖雨。莫教餘怒決平川。

重過龍窩寺題壁
長白勝保

此四字橫書於石壁上每字約方一尺半

昔年仗鉞此經過。今日重來訪曲阿。多少青山應識我。峯峯相對聳煙螺。

幾家茅舍綠陰濃。打麥聲聲水碓舂。立馬高岡西望處。夕陽不斷萬山重。

識陞靈境

白雲片片出深山。依舊山青雲不還。底事無端作霖雨。出山那若在山間。

咸豐乙卯，重過井陘，小憩龍窩寺。因書「畿陲靈境」四字，並道中口占三絕於壁，以誌鴻泥。時汪君鳴和宰是邑，爲余同僚舊友，遂爲摩勒上石。不值

一晒云爾。克齋又識。

過龍窩寺（步祁春圃尙書原韻光緒癸卯）

蔡承澤

龍窩寺裏困龍眠。作雨雲空未有緣。破壁飛騰終一去，點晴人至在何年？

冒暑重遊龍窩寺（二首丁巳六月二十日）

前人

十餘年別藏龍洞，欲續前遊興倍長。揮汗徒行忘步苦，

寺距城二十里

到山恰喜遇風

涼。崖陰亂放閒花紫，屐齒微粘濕蘚蒼。先哲迹留鴻雪在，

石壁上諸往哲題詠

觀餘聞

磬出僧房。

愛此清涼未肯行。寺僧來問：『客何名？』新烟出竈茶初煮，古樹遮廊暑不生。

牆賸殘紅留院角，巖流溼翠潑軒楹。一枰觀罷天過午，頓覺懷澄世慮輕。

(三)龍泉寺 在縣西十五里龍泉峪一名時之山麓。寺在澗中建築。內供龍神。寺前

有泉。土人就出泉處，鑿成一池，其形如井然。深約五六尺。夏秋之際，水源暢旺，恒

由井中湧出，流成小河。舊年歷任縣長，暨城關附近各鄉村，遇天旱時，常禱雨於

此。雍正八年五月重修龍泉山龍神廟。知事鍾文英撰記云：井陘之北有龍泉山。去縣二十五里許。路徑崎嶇，山谷幽邃，樹木陰森。其中有龍神廟焉。予承乏茲

邑五載，每遇旱，諭令四鄉士民虔誠祈雨。予則鸚鵡鳴而起，率領以前扶杖步行到廟拜禱，而往往多應。民咸仰賴之焉。寺北，滿山古柏，幽邃

陰森，風景幽雅。故每歲暑期，至此避暑者，頗不乏人。蓋亦距城附近之第一勝地

也。附詩

遊龍泉寺宮可植

入山尋古寺，寺在半山巾。老柏參天碧，殘花落地紅。燕飛鳴下上，犬吠應西東。

坐愛清泉靜，心澄忽悟空。

前題（步宮鯉庭君原韻）吳郡三

爲訪龍泉勝，來遊古寺中。寒烟籠樹碧，晴日照山紅。嶽亘恒陽北，徑連秦岱東。

登高憑一覽，眼界闢天空。

(十四) 陘山寺 在縣治北關外。隋開皇中建。原名「顯聖寺」。宋時改名「慶成院」。

民國十年，北五省荒旱，北平佛教會來縣施賑，重修斯寺，乃更名「陘山寺」。寺址，左臨綿河，右鄰職業學校。寺內殿宇輝煌，規模宏壯。外有浮圖一，土人名爲「下寺塔」。其建築年代，已不可考。昔人以此塔巍峙河側，自對岸觀之，塔影倒置水中，饒有奇趣，因以「臨河倒影」列爲邑中八景之一。塔之兩旁，古楊數株，與鄰近某姓墓田內之柏林，以及職業學校農林試驗場之各種花木，相互點綴，實於寺周風景，增添聲色不少。附詩

臨河倒影
蘇彭韻

山城寶塔鎮綿河。入水何留影倒拖。縱逐流波隨去少，因逢曉日送來多。橫塘側下瓊樓柱，投石長漂血杵戈。謂是仙人神術設，亭亭一木鏡中磨。

(十五) 護國寺 在縣治西北六十里小寺鄉西北之石坎前。一名「小寺」。內有殿宇

三楹，係唐代勅建。

有經可考

殿後有大水池一池，周約四五尺。水清如鏡，終歲不涸。

沿池邊環繞而進，有洞，俗名「劉秀洞」。相傳新莽竊位時，劉秀曾避難於此。

涉無稽，姑妄言之，姑妄聽之，可耳。洞內有石鐘乳結成之蹬，形如蓮花初放。

俗名蓮花

踏蹬斜升，高約丈餘，洞忽低矮，須伏身而入。越此，又能直立前行。行丈許，有長

盤約六尺寬約三尺之平地。土人呼之爲「盤龍匠」。再進，則洞口頓狹，不能通人

矣。寺旁石壁上，有篆文字蹟；經風雨剝蝕，已難辨認。附近山坡，石柏無數，奇花異

草，在在皆是。此亦境內之勝地也。

(六)龍門寺 在縣治東北五十里威河西鄉西北山麓。寺分上下兩院；殿宇皆甚雄

壯。浮屠矗立寺外，尤足表現莊嚴氣象。寺址寬廠而幽雅。上負虎頭山下，臨綿曼

水；對面，稻田數頃，大樹千章，蒼翠蒼蘆，一望無際。若自遠處隔岸觀之，斯地真不

啻蓬萊仙境也。

(七)玉峯山寺 在縣治北三里。寺之規模，雖不甚雄偉；而地勢軒豁可喜，路徑又復

曲折有味。每當夏秋之際，乘興來遊，高倚寺門而立，右望城北，左望河東，前望縹緲兩岸，滿田禾稼，秀色可餐；環顧四周，林木茂密，俯瞰足下，槐柳成陰，與對面陞山寺附近之古楊古柏，以及農林試驗場之各種花木，相互掩映。對此自然之景物，胸中塵俗，不難滌蕩淨盡。且玉峯山側之斷面石層，與地下煤層，頗有關係；好事者，因美其名曰「鐵龍鑽石」，列入邑中八景之一。然則斯地固未嘗不可稱之爲勝地也。附詩

鐵龍鑽石 蘇彭齡

竟有神龍鐵鑄成。來鑽石穴捍孤城。圖中水墨雙睛點，地下風雷百里驚。力勝巨靈分太華，形潛滄海駕蓬瀛。他年破壁升雲路，濟旱甘霖咫尺生。

同蒼巖福慶寺厚田和尚，納涼玉峯山寺，與興齋和尚茶話得詩。蔡承澤

冒暑同尋避暑方。玉峯山寺獲清涼。岩崖豈在高千仞，賓主相談共一堂。得雨大田禾競秀，當門綿蔓水流忙。悠然漸覺塵心退，爲飲新烹般若湯。

未陽縣志卷之二
六 水上寺 在縣治西北二十里貴泉鄉西岩下石坎中。廟宇雖不甚宏大，而風景之奇特，亦頗能引人入勝。寺內古樹參天，俱由石隙中攢出；懸崖峭立，約可千尋。野葡萄蔓延而上，直達絕頂，成爲天然之綠壁。廟後有泉，清香可飲。夏季居此，幾不知炎熱爲何物。斯亦該村附近之勝地也。

（七）西洋廟 在縣治東北五十里威州村西。廟址位於石岸上，坐北向南。廟後爲土岸。綿蔓河流經其西。東面靈官廟下，有泉，清甘可口，流出成河。其東南，有西街河。東街河、寨灣河、仙翁河暨東渠、中渠、西渠、西濠，凡大小八河之水，匯流北來，與廟東之泉水相會於廟下，併流入綿蔓河。以故廟之東西南三面，皆被水圍繞；而正面即南之水勢特大。廟之左偏附近，皆菜圃；春韭秋菘，四季青翠滿目。對岸及右偏，皆爲稻田。田園中楊柳縱橫成列，高皆數丈。蘆葦尤一望無際。約計此廟附近水田，不下二十餘頃。威州一帶之菁華，胥萃於是。每天朗氣清，惠風和暢之際，偕二三知己，登臨廟中，憑欄四顧，見農夫滿田，行歌互答；河畔浣衣女子，竟日絡繹。

不斷；搗衣之聲，與叱犢之聲，遙相應和；對此風雅宜人之景物，精神上之娛樂，有不油然而生者耶？

(三) 凌霄塔 在縣治東南二里河東坡村南嶺上。一名「文筆峯」。明萬曆二十三年，知事張應台建。七級，高約十餘丈，純以磚砌成。內有石磴，如螺旋形，可達絕頂。登臨其上，則雪花山、正太路、綿河縣城以及附近各鄉村之風景，均歷歷在目。其工程，在本邑舊建築物中，足稱第一。塔前有文昌閣，清初爲東壁書院，尋改名文昌書院。今塔之前後左右，皆作爲「中山紀念林」。

附詩及文

登文筆峯偶成（萬曆乙巳重陽）

川西懷劬子張應台

插天文筆勢崔嵬，只尺星辰入掌來。石笋昂霄齊五岳，玉屏環帳疊三台。日離海角林陰曉，霧抱山腰口雨催。我欲凌空舒遠眺，雙鳧遙接紫雲臺。

登凌霄塔

張

張公建塔與天齊，躡躐凌霄四望迷。拱積香花連上下，窗懸日月遞東西。翻疑

晉塞千川小，却訝恒山萬嶺低。借問神京何處是，五雲縹緲玉河堤。
華塔峻嶒也自雄。行人指點是神工。寶簷徧滴千花露，金鐸常鳴六幕風。月照
蒼龍蟠水上，雲巢元鶴起天中。井城葦澤添形勝，誰爲揮毫吐白虹。

登文昌閣

樵野霍叔瑾

高閣凌虛傍斗隈。賢侯叶夢亦奇哉。人文須藉天文起，下界還同上界開。西指
崑崙疑碧落，東窺滄海見蓬萊。龍門一望星辰近，滿袖風雲駕羽來。
奎光四射映清輝。縮水蒼山入望微。地缺東南須煉補，文無今古總傳衣。寒烟
萬頃風濤靜，香陌重衢日夕暉。聞道帝京時下詔，崇褒聖世紫雲飛。

和霍通政公登文昌閣即用元韻

洪之傑

諸峯環抱自雲隈。飛閣臨空亦壯哉。縮水盈坻流影動，蒼山排闥帶鐘開。誰家
豔勝迎冬日，有客占星憶上台。正道陽春高唱絕，况逢白口使人來。

井陘百里畢生輝。更有奎芒入翠微。曲近黃河星作友，袍分蜀錦荷爲衣。文章

不是神仙徑，山色還留太古暉。劍履聲聲口上下，低徊又見口龍飛。

文昌閣成登張令尹凌霄塔石壁有大中丞霍公近體二章因步韻以和

前人

一閣憑虛塔影齊，山川好景望中迷。口連盤谷環畿北，徑取滹沱自嶺西。高燕不窺花葉下，層霄疑傍玉臺低。張公往事今安在，芳草萋萋月滿隄。

浮圖七級倚天雄。詩裏於今想化工。崔顥登樓人閣筆，鍾繇染翰鶴吟風。兒孫羅列晴嵐外，雲漢迢迢大霧中。極目雁門何處是，上公節鉞水流虹。

和龍州洪侯用先中丞凌霄塔韻

霍叔璠

凌霄寶閣勝名齊。極目津頭可渡迷。此日登臨依斗北，當年創建自川西。漸從層躡河山遠，轉覺憑虛星日低。珍重千秋麟閣口，行看雲路印沙堤。

雲樓文筆並稱雄。詩韻琴鳴各自工。一代循良歌杜母，兩朝樂只誦棠風。逍遙半口天山外，呼吸可通帝座中。憑弔先臣一字袞，九重口口氣長虹。

甲申春日與友人登凌霄塔

傅汝驥

古嶺行程近鳳凰。浮屠遙望接穹蒼。每思絕頂凌風立，遠眺天邊雁路長。
涇城故舊聚談心。僉道凌霄已匪今。福地明朝當共至，君攜樽酒我攜琴。
入寺頻逢禮佛僧。終年無事守梵燈。雲梯有路君須上，直到丹青十二層。
聞言長揖別禪師。我愛前唐韓退之。路曲轉輪宜賈勇，高高莫復故遲遲。
登至崇椒力未窮。憑欄放眼小河東。請君迴首西南望，十里桃花一片紅。
移身漸到白雲邊。趙國山河數點烟。閒抱瑤琴攜絕調，佳遊不減大羅天。
下方城郭奏笙歌。世界繁華奈老何。看到雲蒼泉石靜，閒閒誰似一頭陀。
幾度梵鐘夕日催。呼朋曳杖下崔嵬。愛他香刹烟雲淡，萬古金仙總不灰。

重陽凌霄塔登高

趙惲題

山城寂歷又經秋。一水依然繞郭流。樂歲聲含人語裏，持螯誰向華峯頭。浮雲

世變隨蒼狗，宦海生涯等白鷗。欲把茱萸博微醉，關心深樹有鳴鳩。

時正待雨
種麥故云

憑高西望暮雲遮。錦水屏山各一涯。官舍紅榴猶滿樹，

官舍有石榴一株
味甚劣無人摘食

故園

黃菊正開花。登樓客感同王粲。塔前有文昌樓落帽風流讓孟嘉。屈指明朝「三十節」。

「民國十年十月十日」紛紛景物說京華。

和香隴趙縣長重九凌霄塔登高元韻二首 蔡承澤

插萸驚又屆高秋。四十年華度似流。眼正好舒斜照裏，舟難牢繫斷橋頭。邑之凌霄

塔下右折半里許之斷橋邊常有孤舟繫焉余將有奔走衣食之行故云漫言汗滴誰憐馬，轉歎身輕不若鷗。展誦

佳章無限感，和公卻愧拙如鳩。

世路崎嶇棘亂遮。登高振觸思無涯。樹因風撼時飛葉，菊任霜欺也放花。獨立蒼茫悲我遇，新吟感慨拜公嘉。逢茲佳節翻惆悵，贏得蹉然兩鬢華。

和趙縣長九日登高原韻 郝永修

一年容易又經秋。六十光陰似水流。文社從遊隨驥尾，吟壇大啟占鰲頭。到門不敢題凡鳥，生世原來等小鷗。今日登高甘步後，何須藏拙學安鳩。

愛民思雨望雲遮。琴鶴相隨共一涯。萬樹經霜楓染葉，滿隄飛雪荻開花。馬當

山下颿先助，太華峯頭作並嘉。老圃秋容嫌淡否？天留晚節有黃華。

三登凌霄塔誌感

宋清吉

出城東南行三里許，岡陵起伏，稍高處，有古寺一區。寺有浮圖，曰「凌霄」。凡七級，高約十餘丈。絕頂臨眺，四圍山連，斗大荒城，深如仰盂。余辛亥春，初到井陘，曾偕同人陳君錫九一登焉。謂陳君曰：『井陘古巖邑，信然！嶺川交錯，道路崎嶇。雖鐵軌貫境，門戶已開；然山林沮澤，兵家所忌。此地居民，其有不見干戈之樂乎？』陳君亦首肯。是年秋八月，鄂省民軍倡革命，天下響應。九月，晉軍起義，與清兵相持井陘之東西境。蓋此時南北方議和，相約停戰，故對壘月餘，未一交綏。校中生徒，紛紛請假。余以途中多虞，不得歸，偕校長傅君子儀同居。長日無事，乃重登凌霄塔，以破積悶。西望雪花山頭，白旗翩翩，爲晉軍駐紮地。東則遙聞汽車嗚嗚，時遠時近；蓋清兵往來於石家莊及井陘口之間也。嗟乎！自春徂秋，曾幾何時，而風鶴驟驚，安危懸殊。昔日之明山秀水，俱鎖於愁雲慘霧。

中。豈果景物之有異乎？亦感情之不同耳！十月，清兵違約宣戰。晉軍以兵寡糧絕，死義者甚多。而凌霄塔下，即其劇戰地也。次年，民國成立，值舊曆重陽日，傅君與余謀曰：『吾國故俗，有「登高」之說；而今日又爲晉軍到境之紀念日。盍率生徒往戰地，以提倡其愛國心乎？』乃高揭國旗，整隊出遊。先登西山。雪花復繞至城角，登凌霄塔。是日也，西風颯颯，雲陰欲暝。俯視岡頭，荒塚累累，皆客冬戰死之三晉健兒也。塚爲去年余等義捐所築迴憶客歲十月十九日之戰，硝烟彈雨，三日不絕；偶一念及，耳鼓猶隆隆作聲。今則五族一家，儼然作共和國民矣。而肝腦塗地之諸傑，反長逝九原，莫由一覩。悲夫！憶余之登斯塔者三，而觀念各異。古人云：『情隨境遷。』諒哉！

古蹟

井陘爲著名之古邑。數千年來，所有前代之遺蹟遺物，當然不可勝數。茲約分爲「

山水」「砦堡」「官舍」「學舍」「壇廟」「寺觀」「遺蹟」「建築」「

陶冶「雕刻」「書繪」「雜物」十二類，依次敘述如左：

(一)山水

(1) 大台山 在縣西北二十里，與中台山相連，亦名「五峯山」。趾削頂平，雄秀

甲封內，邑中羣山，皆處其下。每台頂有雲，邑人以之占雨。宋靖康間，女真入犯，

居民多避兵於此。

參方輿紀要清一統志叢輔通志縣志

(2) 天台山 在縣東十五里北張村北。宋靖康二年，即建炎九年金人入寇，土人避兵

於此。今有石刻尙存。

參金石錄通志縣志

(8) 觀音陀山 在縣北五十里冶西村之西。形勢巍峩，連亘數里。登其巔，望正定

石門綿河，如在山麓。上有三官三聖關帝仙翁觀音等廟。相傳初建廟時，山之

烏道盤旋，人畜難登。乃特製大瓦，兩端有孔，縛之以繩，以羊一頭，陀瓦兩個；土

人因名之曰「羊陀瓦寨」。夏日，此山有霧，則雨。故邑人有「觀音山帶帽，三

日不走乾路」之諺。

(4) 西山 在縣治西北。山岡起伏，勢多陡峻。爲賈莊橫澗一帶之西壁。民國十七年，晉奉兩軍，在此山激戰月餘。晉軍防禦工程，現在歸然尙存。

(5) 雲鳳山 在縣北十五里鳳山鄉西。相傳昔有彩雲彌覆，丹鳳來集。故名。府志

勢迴翔，有險可恃。元末，土人保此，曰「鳳山寨」。方輿紀要明洪武時，大將軍徐達

發正定，次井陘鳳山寨，井陘關守將李景春降。民國十七年，晉奉之戰，晉軍佔

據此山。

(6) 仙翁山 在縣東北五十里段莊村。扼威州向西之路陘。清庚子之亂，劉光才

派兵於此山築石壘炮臺。遺跡現仍存在。

(7) 河抱山 在縣東北四十里北固底鄉。清庚子之役，保定振遠營暨湖南武功

營先後修築炮臺營房及壁壘，蜿蜒數里。至今基礎猶存。

(8) 射塚山 在縣治東六十里。相傳秦王翦伐趙，下井陘於此射塚，故名。今遺蹟

湮沒，不可考。

(6) 鑾駕山 在縣治東南七十里胡家灘村東。相傳隋文帝省其女妙陽公主驪驛於此故名。

按本縣續志及畿輔通志皆云隋文帝二女，一爲周宣帝皇后，一適柳述。文帝亦無幸河北駐驛事。

(10) 晒袍山 在縣治東南七十里胡家灘村東。相傳隋妙陽公主晒袍於此故名。

(11) 洞窰山 在縣治南四十里蔣家村後。山麓有石孔一，土人呼爲「柳童洞」。

此孔可鞠躬而入。經數十武，水池阻路，卽不能再入。孔外有孤石一塊，名曰「和尚肚」。沿崖旁小徑，至半山腰，有石窰，內存瓦磁器片，似曾居人。窰後石壁上，有洞一，土人名爲「純陽洞」。其深莫測。相傳呂氏曾在此證道。

(12) 雲盤山 在縣治東北五十里馬村東北。上有「水簾洞」。洞之中間，有縱口，直通山巔。縱口之下，有石像一，土人呼之爲「觀音」。相傳正定某氏女，由山巔洞口經過，墜入洞中，化爲石人。現在正定某氏，於每年廢曆三月十五日，猶

不遠百里來致祭云。世俗附會之說，姑妄聽之而已。

(13) 河東坡 在縣東河東坡鄉東。清末辛亥之役，清軍據此，與民軍激戰。民國十七年，晉奉之役，奉軍復據此，與晉軍激戰。兩次戰蹟，至今觸目皆是。

(14) 白石嶺 在縣治東四十里白王莊村西。古名「白皮關」。土人呼爲「東天

門」。卽淮陰侯背水爲陣，趙軍從壁上望見而大笑處。

參縣志白石嶺建茶棚碑記及確考漢陰侯背

水陣故里記

道路坎坷而陡峻。在昔爲燕晉往來之孔道。明嘉靖辛丑，歷春夏不雨，

是路東西三十里乏水，行旅多病渴。韓文饗奉母命，築室嶺顛，募僧設茶，暇過

客。嗣王家莊王景先踵而行之，歲荒不間。清康熙間，有苦志行修之僧道，煮茶

濟衆。知事吳茂陵先購驢以助之，復於嶺之原，構茶棚三楹，虛其外以爲行人

休息處，捐俸金購地十畝，以資茶水之需。夏水冬湯，仍令僧道主之。

參縣志重修白面將

軍祠記及白石嶺建茶棚碑記

後，此項善舉漸廢。清末庚子之役，統領劉光才奉旨督軍來陞，

堵禦陷攻獲鹿之聯軍，駐紮白石嶺，嶺上所築營壘，今尙存。

夫阿縣志卷一 第二編
(15) 青石嶺 在縣治東北三十五里青石嶺鄉東。古名「叱日嶺」。唐景福石錄，

李克用敗成德軍於平山王鎔出兵赴救，敗於叱日嶺。卽此地也。相傳在昔嶺勢險峻狹隘，車騎不能乘，至金天會中，陞井陘縣爲威州，領井陘縣。州治在天

武軍，卽今威州鎮。縣治移駐天威軍，卽今縣治。此嶺遂闢爲州縣往來之行車大路。今嶺

間石上車軌痕，尙隱約存在。參畿輔通志縣志宋史地理志及本地金石

(16) 割髭嶺 在縣治東南五十里割髭嶺鄉。相傳漢光武擊赤眉駐驛於此。元氏

尤來大槍之徒，皆割髭變帽，由此遁去。故名。見清一統志。嶺東有鐵庫門，爲往來要

路。見中國古今地名大辭典

(17) 鳳凰嶺 在縣治北十里石橋頭村東，橫澗村南。明代，嶺上有龍岡寺。嘉靖時，

僧直鸞施茶。隆慶時，僧如賢施茶。萬曆時，僧性欽施茶。霍鵬北游陘山時，曾爲

之作記，命其從弟聞野書石。今嶺上之「無梁殿」卽舊日之施茶處。參縣志鳳凰嶺

龍岡寺施茶碑記 清末，庚子之役，清統制曹錕之大本營，卽屯於此。附詩

鳳凰嶺懷古傳汝驥

鳳凰嶺近鳳凰山。烟樹蒼茫鎖趙關。微徑斜通青岫外，羣峯亂插碧霄間。野
祠松老巢黃鶴，江郭波平泛白鷗。滿眼秋光看不盡，丹楓烏柏夕陽殷。

讀碣徘徊淚幾揮。江山猶是事全非。空餘石鳳埋黃葉，尙有金仙坐翠微。施
茗禪師人已古，書碑御史近應稀。獨騎匹馬行殘日，雁自南征客北歸。

(18) 乏驢嶺

畿輔通志作「驢嶺」誤

在縣治西十里乏驢嶺鄉。嶺口爲戍守處。方輿紀要列仙

傳「唐張果騎驢，困乏於此。」今石上有蹄痕。嶺之西有「張果洞」。參畿輔通志及

縣志附詩：

至乏驢嶺謁張果老洞題名石壁上蔡承澤

昔聞此境絕塵埃。今獲登臨俗眼開。漫道騎驢人已杳，仙雲猶繞洞門來。

(19) 鹿耳嶺

在縣北南北寨鄉之北，窟窿峯鄉之西南。距縣治三十里。以山脊兩

開，形如鹿耳，故名。畿輔通志或呼爲「無兒嶺」。因其路甚險阻，一失足而身卽隕

也。嶺上爲南北往來之小徑。其先危巖疊嶂，人跡略通。後有盧氏者，結舍嶺東麓，父子孫曾，世世熱心於修路之義舉。今已介然成大路焉。嶺上有「廣生祠」。推建祠者之原意，蓋謂「廣生」即可補「無兒」之缺耳。明天啟時，南寨焦姓曾施茶於此。今碑石尙存。嶺之南偏，半腰間有洞，土人呼爲「蟒洞」。

相傳昔有巨蟒據居，時傷人畜，後被人設法誅鋤之。附詩

修無兒嶺贊傳汝驪

古陁稱巖邑，羣山紛迴環。周圍一百有餘里，巖峩九嶺生其間。舟車不至，人力能攀。右枕太行，左接恒山。危峯險於九拆坂，峻岫阻如四扇關。陟鳥道，麗雲顛。嶺號「無兒」，何巍然！吁嗟乎！其道之難，難於上青天。拔地摩空四十丈，微行一線通人烟。忽然中開兩石扇，西走秦晉北入燕。跬步偶失身隨隕，「無兒」之名非虛傳。如龍矯，如虎蹲。烟霞縹緲連石根，前不逢神禹導河龍門關，後不逢五丁開道風雷奔。羊腸屈曲艱步履，令人到此欲銷魂。盧家

昆季初結舍，義力兼用亦絕倫。刊木鑿山除茅塞，勇冠蓬婆超庚辰。運畚揮斤天地動，春泥冬雪忙清晨。子孫繩繩繼，數葉靡不承。一旦介然成大路，令人上山弗躡屐，下山弗披榛。不倩夸娥厝雍朔，不效愚公移海濱。遂使項王拔山之力無可措，榮氏開山之圖無所庸。渾如十萬八千戶，琢磨七寶修月宮。又如前秦神鞭石，童男童女渡瀛蓬。朝朝飛鐵騎，夜夜走青驄。誰復知前此崎嶇同蠶叢，猗歟美哉！除門前之瓦礫，芟道上之榛蕪。小惠濟人神且福，況修萬年之險途。遠勝千金執袴子，白壁萬鎰握明珠。蠟代薪炊飴沃釜，不濟世間一鎔銖。悖入悖出報不爽，何如盧家偉丈夫。我聞金華張安仁，積穀千石倉廩盈。歲逢饑饉穀價重，公不爲利不爲名。募人築堤四十里，修路一百八十程。享壽耄秦子孫盛，積德行仁福履縈。盧家世如此，陰功必格神。善人之後有善報，千載何愁子孫貧。君不見金華張安仁。

(20) 黃巖嶺 在縣東北六十里掛雲山東南。爲通獲鹿之孔道。民國十六年，晉軍

爲防禦奉軍，曾依山築壘，派兵戍守。

(21) 上莊嶺 在縣東北六十里掛雲山東北。爲通平山之要途。民國十六年，晉軍

爲防禦奉軍，曾修築長壘，派兵戍守。

(22) 千佛巖 在縣南四十里南障城鄉東巖巔，有寺。寺內石佛，數達千尊。內有一

佛座上，鐫「齊河清四年造」等字。據此，則斯寺爲六朝時之古建築，毫無疑義。爲邑中名勝之一。

(23) 天晴巖 在縣治東五十里大尖山村北。舊志以爲在寶王寨北誤舊傳李左車行師，遇霖

雨，至此忽晴，晒衣甲於石上。故云。

(24) 老鴉巖 在縣境平望鄉南。清末庚子之役，聯軍攻陷獲鹿，屢次由此巖出兵

窺伺白石嶺，皆被劉光才軍擊退。

(25) 梯子巖 在縣治東南北障城村北。距城二十五里。峭壁上有石洞。洞口置木

梯一架，不知爲何代物。相傳昔有樵夫攀援孫升，見木梯完好無缺。洞中石笏

嵯峨，鍾乳森森下垂。深邃莫測其底。

(26) 三封礪 在縣治東五里東窰嶺村北。一名「山北礪」。俗呼爲「蠍子礪」。

相傳：此礪石隙中，蠍子極多；但從未螫人。礪上有藥神廟。廟內有鐘，係明天啟間鑄；在露天處懸掛，經雨不銹。

(27) 馬子峪 在縣治東北六十里莊子頭村東。唐武德元年，勅修顯澤大王懿濟

聖母祠。相傳：祠東，嘗有白馬隱見無常，故名。土人於此禱雨。

縣志

(28) 牛口峪 在縣治東南五十里。竇建德與唐兵戰此，敗沒。

縣志

按：牛口峪，在大尖山村北里許。蓋此峪形勢如牛口，故名。竇建德戰敗地，在河南汜水縣西北二十五里牛口谷，與井陘之牛口峪無異。畿輔通志及井陘續志已辨之甚詳。

(29) 和尚洞 在縣治北四十里窟窿峯村南。天晴溝之北坡，峭壁半腰中，露一臺，僅旋馬攀援而上，即仰見洞口。僂僂而入，內高敞若夏屋。百餘武，忽低陷，石參

差危聳，嶙嶙然如刀山，深漆不測，無敢再入者。洞內有陘竈土榻，相傳昔有獻東頭李和尚，面壁其中，數旬不火食，來往奔騰如飛鳥，儼然得道成仙。今洞內石壁上，有「出家人威東頭」等字，尙顯然可辨，餘已模糊不清。距洞口南數十武，有一石穿水泉，深丈餘，長兩丈，寬半之。水極清瑩香冽，每當溽暑，泉漲，水由半山墮下，若懸數匹白練。

- (30) 仙人洞 在縣西北大臺山上。清末辛亥之役，城內居民，多有來此處避兵者。
- (31) 五雲洞 在縣治東北五十五里北平望鄉虎頭山之西部。距北平望五里。洞口，在山之中腰，面向陽。由洞口入，灣曲向下，長五六丈，深十餘丈，內有石佛一，不知爲何代雕刻物。

- (32) 紫雲洞 在縣東北五十里段莊村仙翁山上。相傳爲張果尸解處。清一統志

- (33) 龍骨洞 縣志作龍古洞 在縣東三十里。旁有龍神祠。爲土人禱雨處。縣志相傳內有硃砂，並有龍骨化石。

(34) 白毛老鼠洞 在縣治東北三十五里青石嶺鄉中路北房夾。洞上有石碑一，高丈許，寬四尺餘，係唐代建立。

(35) 避兵坎 在縣治北四十里窟窿峯村南，天晴溝之北坡。其命名之時期，今不可考。然就本縣前代戰蹟證之，此坎之得名，不在靖康間，即在元末。

(36) 青蛙坑 在縣東北五十五里北平望村東。距村約六里。地踞上安與獲鹿西楊莊來往交通之大道。相傳清同治時，坑中水深十餘丈，青蛙成羣。常有小兒行經此地，被坑中大蛙傷害，鄉人因其有害，而填塞之。

按：蛙，爲益農動物，斷無害人之理。在昔科學未興，荒誕不經之說，往往如是。(37) 馬跑泉 在縣治東五十五里頭泉村西南。相傳漢光武至此，渴甚，馬跑地，泉出，故名。今此泉，仍常流不涸。

(二) 砦堡

(1) 天威軍 宋史地理志井陘三砦中，有天威軍。即今井陘縣治駐在地。李唐時，

爲天長鎮。石晉改爲天威軍。金天會中，縣治由威州移駐於此。參本縣沿革
治城一項

(2) 小作口 宋史地理志井陘三砦中，有小作口。即今縣治北三十里小作鄉。爲

洪河漕東口。民國十七年，晉奉之役，晉軍嘗於此駐兵防守。

(3) 王家谷 宋史地理志井陘三砦中，有王家谷。即今縣治西北六十里之王家
峪。爲歷代要衝。近年晉軍嘗駐兵防守。

(4) 獲城寨 在縣治西南三里。即今所謂「西頂」也。古名「雪花山」。又曰「

臨城古寨」。其山高聳且秀。頂平可容萬人。昔人常避兵於此。參續
縣志

(5) 城山寨 在縣治南三十里南障城村北。金末武仙餘黨趙貴等，據山侵掠。蒙

古將焦德裕擊平之。明初，大兵下井陘，別將費聚取城山寨。是也。寨在山巔。今

遺跡已泯。惟土人在山巔耕耘時，常掘見箭頭槍頭鐵刀各物。參畿輔通志
方輿紀要

(6) 沈山寨 在縣治東北五十里馬村東北。上有「白虎洞」。靖康二年，即建炎
九年

河北變亂，某達官曾避難於此。今洞內石壁上，字跡猶存。

(7) 庫山寨 在縣治北四十里窟窿峯村北。縣志元末焦順隱居寨中，里閭咸附誓。

不二事。明太祖遣使召降，許授參將之職，不受命，被執，死於眞定府。萬曆中，王

選撰南寨鄉孤娘娘墓碑記，載此事甚詳。今寨上井礮杵臼等物，尙完好。石參金49

南寨村焦氏楚譜序

(8) 台頭寨 在縣西二十五里台頭村。寨頂周圍，建築石牆。相傳：土人嘗避兵於此。今遺跡仍存。

(9) 貓頭寨 在縣東北四十里南固底鄉西南。寨上周圍有石牆，不知建於何代。今尙存。

(10) 白眉寨 在縣治東南四十里。畿輔通志作西良都店西南。拔山爲險，形勢雄峻。巖間架有天橋。採樵者，每側足而度。現在遺跡猶存。惟多坍塌。

(11) 方嶺寨 在縣東五十五里方嶺鄉南。一名「西屏山」。相傳：漢巨無霸曾屯兵於此。崖內有「白雲洞」。雲出，輒陰雨連綿。

(12) 高公寨

在縣東南

地名大辭典作西南誤

五十五里。與方嶺寨相近。山谿險阻。金末

仙據守於此。爲蒙古將史天降所陷。

參中國古今地名大辭典方嶺寨

(13) 關索寨

在縣東北威州鎮東北三里。

按縣志云：中原魏武占據，關索似不應在此。考四川簡陽縣龍泉山之巔，有寨名「關索」。四川三國蜀地，彼處之寨，似尙可靠。明胡寶撰貴州鎮寧縣關索領碑記，以關索爲忠義子。然忠義子，無名索者。

(14) 寨礮

在縣治東北五十里孫莊村北。四圍懸崖陡峻，不易攀登。其峰巔，則土

壤肥沃，勢甚平坦；圍牆環抱，形如城垣。梁口門欄，及豎幟石孔，痕跡均顯然可辨。此外，矢鏃弓刀之屬，亦屢被農夫及牧童樵子拾得。就實際情況考查，足證當日確有據寨稱雄者。惜無碑碣可考。

(三) 官舍

(1) 萬壽宮

在東門裏路北。今作縣立高級小學校舍。

(2) 察院 在縣治東。久廢。清歷任知縣，即其地建「常平倉」。尋復廢。清宣統三年，改爲縣立高級小學校運動場。

(3) 迎賓館 在今縣政府儀門外西邊。久廢。嗣建置民壯班房。現改爲政務警察所。

(4) 公館 在東關中街路北。清嘉慶二年，知縣王鎧以「迎賓館」既廢，乃購置閒房，修爲「公館」。今名操場三所，共房百餘間。今坍塌已久。每逢在城東關集市，

攤販多在此售貨。

(5) 舊典史宅 在今縣政府儀門外西。明時改爲吏廨。久廢。嗣改爲馬快班房。今改爲政務警察所。

(6) 典史宅 在今縣政府儀門外東。即明隆慶元年所裁縣丞宅也。民國三年，典史裁撤，劃歸縣立高級小學校。

〔附記〕 民國二十二年冬，任縣長任內，又將典史宅劃回縣政府一部，修作縣政

府與所屬公安財政教育建設四局合署辦公處。二十三年三月，編修。

(7) 井陘道署 明嘉靖二十年十月，設「井陘兵備道」一員。二十一年二月，裁。

七月，復設「提督三關」一員，駐紮獲鹿。清移駐正定府。康熙四十二年，裁。舊道署遺址，在城內西大街路南舊八蜡廟前，今名「營房」。南北長，二十一丈二尺四寸；東西闊，五丈六尺三寸；共積步，四百七十八步三分二厘五毫。計地，一畝九分九厘三毫。

(8) 井陘汛 清雍正二年，定固關營參將守備千總下，設把總二名：一分防王家坪汛；一分防井陘汛。雍正五年，定縣治民壯五十名，歸把總訓練，以守禦城池。自是，把總又有「城守尉」之稱。其汛地，亦稱「武營」。井陘汛，在城壕小南門內路西。民國二年，把總被裁；汛亦廢。今作第一區民衆學校。

(9) 陘山驛 在「察院」東。明置驛丞一員。清順治十六年，驛丞裁革；驛亦廢毀。今爲縣立高級小學校操場地址。

(10) 遞運所 在東門外路北。後裁革「遞運所」設「驛遞抄號房」。

俗名清末報店

廢。民國初年，由公家拍賣。現已改爲民宅。

(11) 驛馬廠 在現今監獄北。清末，廢驛站；斯廠亦廢。今廠內房屋，多塌毀。

〔附記〕 右係就民國二十年秋之情況而言。今則驛馬廠地址，改作縣保衛團房

屋又重新建築矣。二十三年三月，編者誌。

(12) 鋪舍 總舖在縣治東。舊分東西兩路：東路，由縣城起向東，有西河橫口、微水

白石嶺上安下安等舖，至獲鹿界止。西路，由縣城起向西，有板橋龍窩等舖，達

山西平定州界止。清末廢。民國初年，各舖地址，已由公家拍賣。

(13) 陰陽學 在縣政府前正南。久廢。今改建公安局馬廐。

(14) 醫學 在縣政府前東南。久廢。今改建公安局馬廐。

(15) 僧道司 在北關顯聖寺。久廢。

(16) 道會司 在縣治西城隍廟。久廢。

(17) 養濟院 在縣城東北隅。額養孤貧四十七名。清季其他雖廢，仍按月給糧，養濟窮民。今裁革。其原有經費，撥歸救濟院。

(18) 留養局 舊分三所：河東局房六間；南寨局房三間；下安局房五間。清乾隆十九年，知縣胡圻，輸銀六百兩，置地一頃二十三畝，歲收租糧，以充局用。後地畝屢有增加；道光間，查明有一頃三十五畝。清末，三處局房久圯，賃房設局留養。後廢局，每年只放糧一次。今裁革。該局地畝，撥歸救濟院。

(19) 社會 舊在東門內南。久廢。

(20) 四鄉社會 有微長莊、盧王莊、崗王莊、安向莊、青橫莊、金柱莊、威坡莊、南北峪莊等八處。

(21) 預備倉 在縣治大門內西。清康熙二十一年，知縣周文煊，改建「常平倉」。雍正三年，知縣鍾文英，增修。今廢。

(22) 在城常平倉餘廩 日字號，在縣治大門內西廩。月字號，在縣治大門內東廩。

滿字號地址，未詳。今皆久廢。參縣志

(23) 廠口 天字號，爲察院東大廠。地字號，爲察院西正北大廠。元字號，爲察院過

亭西廠。黃字號，爲察院過亭東廠。宇字號，爲察院東正南廠。宙字號，爲察院西正東小廠。方字號，爲縣前廠。盈字號，爲賓館廠。辰字號，爲廠。地址未詳。今皆久廢。

參縣志
官舍

(24) 義倉 清乾隆間，奉文建倉。每二十里，設倉一處。橫口微水上安威東頭金柱

北障城梅莊常家坪南寨南陘東焦，共建倉十一座。後微水上安兩倉，被水冲塌，地基無存。隨於在城及南王莊，另建義倉兩座，仍敷原額十一處。續志

(四) 學舍

(1) 明倫堂 在城內西大街路北。清康熙五十六年，知縣吳茂陵，率闔縣紳士捐貲修。咸豐二年，知縣姚玉田，倡闔邑紳士捐貲重修。清末民初，改爲議事會。

民國十七年，改爲縣黨部。

(2) 齋堂 在文廟戟門外東。清道光二十四年，知縣文在瀛倡，闔邑紳士捐貲，
今撥歸鄉村師範學校。

(3) 教諭署 在舊「明倫堂」儀門東。以年久失修，房屋全坍塌。清道光四年，知
縣林靖光捐貲買東門內民房一所，內外堂室十餘間，作為「教諭署」。光緒
間，知事言家駒任內，復將儀門東之「舊教諭署」修葺完好，而東門內之「
教諭署」仍賣作民房。今教諭署改為建設局。

(4) 訓導宅 在舊「明倫堂」儀門西。清康熙二十五年，知事周文煊修。凡六間。
後歷有修葺。今改為教育局。

(5) 陞山書院 在學宮東。明嘉靖三十三年，知事苟文奎建。隆慶三年，知事鍾選
齡重修。久廢。見縣志周文煊
東壁書院記

(6) 東壁書院 在縣治東三里東山巔文昌閣。清康熙二十七年，知縣周文煊建。
三十四年，知縣高熊徵重修。久廢。周文煊碑記及高熊徵
碑記均載縣志藝文

(7) 文昌書院 即東壁書院舊址。清康熙四十年，知縣高熊徵捐金五十銀，修葺文昌祠，落成後，卽顏其額曰「文昌書院」。名其堂曰「樂育堂」。久廢。

(8) 皆山書院 在縣城內東門裏路北。清乾隆四十二年，知縣周尙親因「節孝祠」舊址創建。後歷有修葺。清末，改爲「縣立學堂」。今爲縣立高級小學校。

(9) 義學 共分城內河東核桃園橫口微水上安板橋等七處。係雍正五年建。今皆廢。

(五) 壇廟

(1) 社稷壇 在縣西關外半里。現壇尙存。種植公有林。

(2) 風雲雷雨山川城隍壇 在縣治南二里南關鎮北。今壇址已無。

(3) 先農壇 在縣治東三里河東村東。清雍正五年，知縣鍾文英奉旨發帑，建廟三間。現已坍塌，壇址尙存。種植公有林。

(4) 厲壇 在縣治北一里北關外。清康熙四十五年，知縣趙暄建廟三間。今已塌。

毀；僅存遺址。

(5) 文廟 在縣政府西。金天會中建。今改爲鄉村師範校址。惟留正殿五楹，以作祭祀之用。

按：井陘舊志載「學宮係宋熙寧間建。」畿輔通志載「井陘縣學，係宋熙寧間建；金明昌二年重建。」竊意：學宮必在縣治設置。宋熙寧八年，井陘徙治「天武軍」，即今威州鎮。金天會七年，陞井陘爲威州，仍領井陘縣。州縣分治，州治在「天武軍」縣治，乃移駐「天威軍」。即今治城。宋熙寧間，今縣治猶是「天威軍」，尙未改作縣治；安得有文廟？然何以知其爲天會中建也？查元大德十年，縣尹張璘，令前威州吏趙文，督工遷修文廟，劉源所撰碑記中，有「昔城之坎，有大成殿，自天會以來，再經繕完。碑石具在。」等語。既明明指爲天會以來，足見置廟即在天會中。且通志明明謂「金明昌二年重建」，又足證置廟必在明昌以前。天會七年，至明昌二年，中間相距五十

六年五十年前創建之廟，經五十餘年，亦正應重建。以是知井陘文廟必係

天會中創建。熙寧中，井陘徙治，在「天武軍」不在「天威軍」。舊志及畿輔

通志，誤認「天武」即「天威」，故有是錯謬。今特爲更正。參畿輔通志縣志劉源遜修文

廟記及疆域編
「治城」一項

(6) 崇聖祠 在大成殿後。舊名「啟聖祠」。雍正二年，追封先師五代王爵，改名

「崇聖祠」。今作鄉村師範教室。

(7) 關帝廟 在縣治東門甕城中。清雍正五年，知縣鍾文英奉勅在正殿西建二

代祠三間。今改修爲通俗講演所及民衆閱報所。

(8) 白面將軍祠 相傳將軍爲趙守關將。淮陰侯下趙時，戰沒。土人因立祠於嶺

上以祀之。今祠尙存。祠北有塚一，或云卽白面將軍之墓，未知是否。清末劉光才駐紮白

石嶺時立石塚前上書「陳餘之墓」按陳餘兵敗部下身死。上泚水在今臨城縣西北二十五里。其墓似不應在此。附詩：

白面將軍祠魏晉介

漢軍輕轉戰，天數豈能爭。身死井陘口，人傳「白面」名。寒山堆落日，古寨竄飢甍。可恨左車子，區區尙戀生。

前題

楊友三

面白心何赤，當關一將迎。身甘殉趙難，義不屈韓兵。日月聲名重，蒸嘗俎豆榮。行廊維斷碣，駐馬緬忠貞。殘月寒山寺，曉風古木檠。精魂搖颺處，笑殺左車生。

前題

申涵光

兵行競詭道，趙人自愚直。遠鬪疲可乘，抱險守亦易。泚水揚赤波，草草成空壁。將軍恥雷同，赴死豁胸臆。姓氏泯無傳，徒聞貌白皙。想當盛趙時，埋名效微職。吁嗟廣武君，傾心媚讐敵。

前題

趙文濂

斷頭難竟殉將軍，定國劬勞死事勤。一代河山歸正統，千秋俎豆報殊勳。閉

關據險心如石，爲國捐軀義薄雲。不見下燕奇計出，左車廣武又封君。

井陘口弔白面將軍

侯少川

綿河東去浮空碧，巖巖一帶如山壁。土人呼作「東天門」，有客停驂淚欲滴。當時營壘今糝糊，枳枒古木棲寒鳥。日落無人巖穴冷，夜深鬼哭聲嗚嗚。此地相傳井陘口，險要曾爲趙兵守。漢軍鋒銳不可當，大陣迸散曳兵走。幸有白面真將軍，一聲叱咤生風雲。奈何衆寡力不敵，一死萬古長流芬。長松落落忠臣廟，衰草淒淒壯士墳。路人傳議何紛紛，將軍忠勇感薄俗。効死國家身不辱，將軍不必定封侯。馨香俎豆今千秋，吁嗟乎！馨香俎豆今千秋。滹水誰覓成安頭。

(9) 漢淮陰侯祠

在治城西關。明萬曆中，邑人霍鳳與霍子鶴捐貲建。後被綿水

沖去。今已湮沒。

有碑記載
舊志藝文

(10) 蕭曹祠

在縣政府大門內東。清雍正三年，典史黃家瑞建。知事鍾文英有記。

(11) 明靈王廟 在今縣治北關外玉峯山上。供祀漢靈壽侯邳彤。今尙完好。

(12) 崔府君廟 在今縣治北關。祀唐長子令崔珏。今作北關女校。

(13) 李公祠 在今縣治東門甕城中。祀知縣李紹。萬曆中建。明霍鵬撰碑記。

(14) 鄉賢祠
名宦祠 舊在文廟西「尊經閣」前。後移於文廟「戟門」左右。久塌毀。今

劃歸鄉村師範學校。

(15) 忠孝祠 舊在「明倫堂」前。雍正七年，知縣鍾文英奉詔發帑建。後移於文昌祠左右。現改爲鄉村師範校舍。

(16) 節義祠 舊在城內馬王廟東。後移至城隍廟西。清同治十三年，知縣常善重建。今作爲縣立女子高級小學校舍。

(17) 文昌廟 在學宮西。清道光二十四年，邑紳捐貲重修。復緣「尊經閣」地址，建修文昌崇聖祠。今皆作爲縣立鄉村師範教室。

(18) 城隍廟 在縣署西街路北。道光二十三年，邑紳捐貲重修。今改爲救濟院。

(19) 東嶽廟 在縣北五里石橋頭村。今改爲該村村公所及初級小學校。

(20) 亞嶽廟 在北關崔府君廟內。今作北關女學。

(21) 三官廟觀音堂 舊在今縣治西南隅城上。乾隆三十八年，移於城下。今尙完好。

(22) 碧霞元君祠 舊在東門裏路北。今作縣立高級小學校校舍。

(23) 土地祠 在縣治大門內東。今已傾圮。

(24) 后土祠 在城內西北隅。房屋屢經修葺，今尙完好。

(25) 龍王廟 在南門甕城內西邊。清同治十三年，知縣常善重修。後屢有修葺。今

作在城鎮鄉公所。

(26) 顯澤大王 在縣東北六十里莊子頭村東。唐武德元年勅建。

(27) 馬王廟 在城隍廟東。久傾圮。民國十七年，改爲救濟院。

(28) 八蜡廟 在城隍廟西。東漢揚威侯劉猛附廟內。清康熙四十八年，知縣查棟重修。今改爲縣立女子高級小學校校舍。

(六) 寺觀

(1) 福慶寺 在縣治東南七十里蒼巖山。中有石泉。相傳隋妙陽公主久疾，浴此

泉，遂愈。因建福慶寺。廣輿紀現在廟宇，屢經修葺，尙完好。

按續縣志蒼巖山妙陽公主考謂：『公主係煬帝女南陽公主，非文帝女妙

陽公主。』以事實證之，其說似屬可信。而畿輔通志謂：『南陽公主於聊城

破後，隨竇建德歸洛州，削髮爲尼。建德敗，其妻曹氏以洛州降唐，公主復至

長安。是公主爲尼，當在洛州。井陘距洛州幾二百里，中隔邢州，公主斷非在

此修道。』云云。竊意公主在洛州爲尼，事在建德未敗前。其在蒼山爲尼，苟

有其事，亦當在至長安以後。蓋爲尼者，未有不擇地而居。公主在洛州削髮

時，時局正在戎馬倉皇中，擇地實非易事。迨至長安後，天下事已大定，個人

之自由亦恢復，從容擇地爲尼，以終其志，未始非意中事。通志謹就公主洛州削髮一事立論，理由殊欠圓滿。

(2) 顯聖寺 在縣治北關外。隋開皇中建。魏輔志宋大中祥符間，改名慶成院。今改名陞山寺。廟宇尙完好。爲邑中名勝之一。

(3) 石鼓寺 在縣治北五十里北陞村西北陞山上。不知創於何代。但有宋大觀六年重修碑記。今廟宇已漸就傾毀。

(4) 護國寺 在縣治西北六十里武功鄉西。俗稱小寺。係唐代勅建。寺內有宋治平二年經幢。今寺廟尙完好。爲邑中名勝之一。

(5) 龍窩寺 在縣西二十里。係宋代建築。寺外有「龍窩」「石閣」。寺內有大小石像三十二尊。今寺址完好。爲邑中名勝之一。

(6) 牟尼寺 在縣治西二十五里南峪村東。係明代建築。今已殘破。

(7) 龍岡寺 在縣北十里鳳凰嶺。不知建於何代。久傾圮。

(8) 微水寺 在縣東三十里微水舖。畿輔通志不知創於何代。傾圮已久，遺址尙存。

(9) 龍門寺 在縣東北五十里河西鄉。土人稱爲河西寺。宋元祐中建。今院宇尙

完好。爲邑中名勝之一。

(10) 甘泉寺 在縣北七十里西焦鄉。不知創自何代。今改爲西焦高級初級小學

校及第三公安局。

(11) 莊嚴寺 在縣北五十里威州鎮。不知何代創建。惟查該寺經幢內，有「儀鳳

元年及「垂拱三年」等字樣。似係建於唐代。畿輔通志以爲宋元豐中建。誤。

今改爲威州高級初級小學校。

(12) 興隆寺 在縣治東南五十五里彪村。內有千佛塔一座；石佛五尊。歷代碑碣，

皆係重修。莫知創自何代。相傳爲「仙人遺跡」云。

(13) 護國寺 與小寺同名 在縣北十五里北鳳山鄉。土人呼爲「大佛寺」。不知創於

何代。內有造像碑一座，工甚精緻。係宋治平四年丁未四月八日建。而其座石，

則爲正德二年四月八日建。參金石 2

(14) 內佛寺 在縣北七十五里東冶鄉內有唐造像碑一座，工極精細；清宣統間，有軍人假端方名義，強携去。今幸尙有唐天寶四載石浮圖一座。寺址改爲女子小學校。

(15) 興國寺 在縣治東北二十八里西王舍鄉金大定二年建。今已坍塌。

(16) 慶賀寺 在北陘鄉石鼓寺西南。俗名「下寺」。石鼓寺俗名上寺寺內有石經幢一座，高五節，上刻佛像，下鐫隨羅尼呪一卷。宋仁宗皇祐五年勅建。又有劉應中所書之碑石一。今寺已破碎。經幢及碑，尙無殘缺。

(17) 鐵佛寺 在縣治北二十六里北寨鄉東。元至元間建。今漸就傾圮。

(18) 西明寺 在縣北五十里北陘鄉。不知何代創建。內有坐式古銅佛一尊，高三尺半。有鐘一，係正德四年鑄造。

(19) 東禪院 在縣治北二十五里天護鄉。唐代創建。今院宇大半塌毀。有唐代造

像經塔一座，峙於院中。

(20) 玄真觀 在縣治北三十五里小作村西北隅。據碑碣所載，是觀出於甘泉山

清淳宮。據故老所傳，是觀舊址，在村東南山麓，名曰「清幽觀」。創建於宋代以前。元初，始遷移於此，改名曰「玄真觀」。觀內有元代至元十二年，至正十年，及明清兩代碑石。

(七) 遺蹟

(1) 獵臺 在縣治北五十里北陘鄉西北陘山上。周穆王獵於鈔山時所築。今遺

跡猶存。

參程天子傳畿輔通志
志及地理編名勝中陘山

(2) 孤臺 在縣南六十里南孤臺村。相傳爲程嬰藏趙孤處。

見縣志
輔通志

按：河北邢臺縣西北二十五里，有趙孤莊。相傳爲程嬰匿趙孤處。又山西孟

縣北三十五里，有藏山，上有「二義士祠」。相傳爲程嬰公孫杵臼藏趙孤處。

又山西忻縣北四十里，有程侯山俗傳即程嬰匿孤處。又山西定襄縣東南

十五里有武峪山，上有「藏孤臺」，俗傳程嬰藏孤於此。上述四處，加以井陘「孤臺」，共計五處。各處土人相傳，皆以爲係程嬰藏匿趙孤處。究竟何處爲真正藏孤處，非起古人於九原而問之，孰能斷定其是與非耶？或曰：「程嬰藏孤一事，本屬冒險亡命，安敢久居一處？今年在此，明年未必不去。此適彼。上列五處，未必不皆有二人足跡。且除此五處外，未必不尙有他處亦曾藏孤。如必謂某處爲真藏孤處，某處非真藏孤處，則鑿矣！」此說似亦近理。

參廣輿記中國古今地名大辭典

(3) 說法臺 在縣治東南七十里蒼巖山。相傳爲隋妙陽公主說法處。上鐫有「喬劉雲臥」四字。今遺跡猶存。

(4) 天護城 漢以後，唐以前，今天護鄉曾作井陘縣治。民國初年，鄉人於村西掘出殘碑一段，上書「社稷壇」三大字。惜該鄉人未知保存，竟碎之作甃井石

用。今西北城址尙存。參縣城編治城一項附按語及詩。

按：「天護城」土人呼之爲「橫州城」。「橫州」乃「恒州」之誤。查

陘自漢高帝初置縣時屬恒山郡。恒山郡在秦爲東垣縣。漢高改名眞定。置

恒山郡。又爲眞定國。嗣避文帝諱，「恒山」改爲「常山」。歷代因之，爲常山

郡。周隋改爲恒州。後廢。義寧初，復置恒州。天寶元年，復改爲常山郡。乾元元

年，復爲恒州。興元元年，昇爲都督府。元和十五年，避穆宗諱，改爲鎮州。又查

井陘在漢爲縣。隋義寧元年，置井陘郡。并葦澤縣。唐武德元年，改爲井州。四

年，又以廢嶽州之房山蒲吾二縣，恒州之鹿泉來屬。五年，又以恒州之靈壽

來屬。貞觀元年，廢蒲吾葦澤二縣，入井陘。十七年，廢井州，以井陘及所屬房

山鹿泉靈壽三縣，改屬恒州。據以上所述，足見井陘在漢以後，隋以前，皆屬

常山郡。義寧以後，至貞觀以前，不但獨立，而且領縣。貞觀十七年以後，至元

和十五年以前，時屬恒州，時屬常山，而以屬恒州時爲久。井陘屬恒州時，治

城當云「恒州井陘城」。歷年既久，縣治又移駐他處，後人遂簡稱爲「恒

州城」而遺卻「井陘」二字。後又誤「恆州」爲「橫州」。自是遂以訛傳訛，莫能知其所以然矣。例如井陘曾獨立爲井陘郡，爲井州。元和十五年，恆州改爲鎮州，後井陘又屬鎮州。今東治內佛寺石塔上，明明刻有「井州井陘縣」字樣；天護東禪院經塔上，亦明明刻有「鎮州井陘縣」字樣；然試執塗人而詢以「井州」「鎮州」之名，恐能解答者，實寥寥無幾。此「歷史」與「地理」所以成爲專門科學也。參前漢書舊唐書東治內佛寺碑文天護東禪院經幢疆域編治城一項

弔橫州故墟許時雍

傳是橫州地，淒淒只數家。天寒木葉落，雲淡雁行斜。古寺生秋草，荒郊走白沙。尙思文物日，官吏散清衙。

(5) 天武軍故城 在今縣治東北五十里威州鎮。宋史地理志：「井陘，熙寧六年，省；八年，復置；徙治天武軍。」在熙寧八年以前，井陘縣治究在何處，今不可考；

惟所稱天武軍的確卽今威州鎮。參疆域編治城一項

(6) 威州故城 卽「天武軍故城」。金天會七年，升井陘縣爲威州，置刺史。領井

陘縣。卽以井陘舊治「天武軍」爲州治，而移井陘縣治於天威軍。元憲宗二

年，徙威州治洛水，而此城廢。自是，遂稱威州故城爲「威州堡」。亦稱「井陘

店」。又稱「威州鎮」。現改爲「威州鄉」。今城址雖廢，名目猶存。參疆域志

(7) 樂陽城 在縣北七十里樂陽村。漢高帝置縣，屬恒山郡。縣志

按前漢書地理志：「常山郡領縣十八：元氏、石邑、桑中、靈壽、蒲吾、上曲陽、九

門、井陘、房子、中丘、封斯關、平棘、鄗、樂陽、平臺、都鄉、南行唐。」清一統志載：「

樂陽故城，在今獲鹿縣東北。漢地節元年，封趙項王，說爲侯國，屬常山郡。後

漢省。」東觀漢記曰：「光武使鄧禹發房子兵二千人，以姚期爲偏將軍，別

攻眞定，宋子餘賊，拔樂陽糞肥壘。」據此，則漢時之樂陽縣，似與現今井陘

縣之樂陽村無涉。且就井陘樂陽村實際觀察，亦絕無曾經置城模樣。縣志

以「樂陽城」列入井陘古蹟，殊嫌牽強。

(8) 回星城 在今縣治西二里較場村。唐長慶元年十一月甲午，裴度及王庭湊戰於會星，敗之。「會」「回」音近，會星卽回星也。

(9) 靈真城 在縣治西南三十里。相傳韓信下趙，隨蛇跡開道而行，因築城曰「

靈真」。

縣志

按中國古今地名大辭典云：「回星城在井陘縣西南二十五里，今名靈真城。韓信伐趙時築。魏書地形志：「井陘縣有回星城。」卽此。又縣西三里新教場亦云「古回星城。」以在回星河側而名。」據此，是「回星城」有二：

一爲縣西三星較場之「回星城」；一卽縣西南之「靈真城」。今考較場

村西南河灘中間，有子母石岸一段，南北長約十餘丈，高約丈餘；綿蔓河從上游蔡莊來，水勢甚猛，流至石岸，被石頂撞，勢頓殺，乃繞道而南，而東。此處之河，舊稱「回星河」。較場因在回星河側，舊稱「回星城」。金天會十五

年，威州三清殿碑記及貞元甲戌慶成院任大師經幢「回星」皆作「洄

渥」意與「洄洑」同。蓋謂旋繞也。是較場名「回星城」一說，當屬可信。至於縣西南三十里或二十五里之「靈真城」，其地究竟在今何處，且「靈真城」究竟與「回星城」是一是二，代遠年湮，今已無從稽考矣。

(10) 秀林城 在縣治東南十五里秀林鄉。後魏杜洛周葛榮遣其黨王秀林築此城，因名。今舊址已無。

(11) 長城 在縣治東南五十里楊莊口。東西面石段，介於井陘平定界上，長約三十餘里。相傳秦始皇時修築。現在漸就傾頽，僅存遺跡。

(12) 淮陰侯談兵處 在河東坡。今道旁有明崇禎戊寅范志完題石。

(13) 背水陣 在縣治東三十里微水村西。即韓信張耳破趙軍處。舊址尚存。參確

考淮陰侯背水陣故里碑記續志淮陰侯背水陣論附詩：

淮陰侯背水陣 路師舜

綿水濤聲一何急，似有前朝風雨泣。我來沙岸半夕暉，寒翠欲墮空霏霏。馬

跡車塵開前路，山水猶是人。殊非憶昔中原事，征戰隆準已屬天心眷。彼何人哉？孫武徒，略韜自是邦之彥。岸上旗纛金鼓鳴，漢車直逼趙王營。廣武待敵非無策，可惜陳餘自不明。倘非間視得其由，陣豈無端背水謀。後人多道韓信險，那識當時計慮周。知己知彼百戰克，夜半行軍雲片黑。拔幟易幟虜心驚，輕騎二千潛襲賊。操戈躍馬復彎弓，浪頭連天氣叱風。破趙會食如操券，漢兵已渡綿河東。空壁坦然不自守，淮陰兵出井陘口。太息趙人欲何之，萬馬奔忙狐兔走。兵追迺上渺煙波，戰士軍前奏凱歌。陳餘不用左車策，左車其奈陳餘何。又聞垓下蓋世豪，百戰百勝民疲勞。烏江不堪重回首，從此淮陰功莫高。飛鳥盡，良弓藏。不作眞王作假王，是非成敗東流水，空留遺恨咽斜陽。

韓信下井陘

劉秉琳

破趙奇功頃刻成，不曾留訣是神兵。智愚彼此知非敵，向背山川瞰最明。儒

者虛名空賈禍，市人死地必求生。左車有策還能叩，並下燕齊一路城。

背水陣

趙文滌

據險皆云「背水」奇。韓侯深計有誰知。潛師路自遙山入，伺隙兵從間道馳。趙國已空新壁壘，漢家倏拔舊旌旗。土門關外功成日，始悟臨流陣設疑。

微水鎮

傅良策

到耳河聲壯晚潮。撩人魂夢度通宵。想因背水屯軍後，甘萬貔貅怒未消。

弔淮陰侯

(三首)

蔡承澤

陣爲背水曾攻趙，更向烏江破楚雄。漢業已成翻見戮，可憐功大轉非功。

競言呂后心猜忍，我獨公然咎漢高。如果牀頭無密約，殺權未必敢私操。

長樂室中戕命日，禍胎已伏解衣時。封王愈識高皇詐，此着將軍竟不知。

再弔淮陰侯

前

人

「國士無雙」擅盛名。獨憐兔死狗斯烹。不平誰代將軍訴，綿水滔滔起怒

聲！綿水即淮陰侯設背水陣之水

步月至淮陰侯談兵處吳郡三

城外灣環水，颯然帶月流。聽濤過古渡，遣興步新秋。范老題碑在，陘關戰蹟留。往來行路客，故事話韓侯。

淮陰侯談兵處弔古宮可楨

縱橫劉項戰爭休。賸有韓侯故蹟留。破趙成功操勝算，陳兵背水握全籌。殘碑空洒英雄淚，古陣猶餘漢代秋。綿蔓河頭濤浪震，含冤尙作不平流。

〔附記〕淮陰侯談兵處，與背水陣並非一地；茲因其均爲淮陰侯史蹟，故以

末後二首附此。

(14) 金鎬厲王故居 在縣境內。續通志今湮沒不可考。附註及詩

〔註〕金史：『世宗諸子承中於章宗明昌三年封鎬王，加開府儀同三司。五年，以怨望賜死，勅有司以國公禮收葬；妻子徙威州安置。泰和七年二月十』

一日，詔復王爵，謚曰厲。勅於威州擇地以禮改葬。世共目為鎬厲王。

志載輔通志及金石引

過威州鎬厲王故居元好問

天道循環只眼前。果誰烈焰與寒煙。種瓜四摘渾閑事，抱蔓無人更可憐。

(15) 武仙窰 在縣南十五里。相傳金刺史武仙走西山時，居此二年。縣志載今遺

跡不可考。

(16) 孫使君墓 在縣治北七十五里東冶村西南。使君曾於魏天平二年，除常山

太守。天平四年，除定州刺史。今墓前有石羊二。墓上有頌德碑。惜歷年過久，風

雨剝蝕，使君之名，已經勦解。參金石 3

(17) 竇王墓 在縣東南五十里牛口峪。竇建德與唐兵戰敗，斬長安，歸葬於此。縣志

(18) 卜妃即竇建德妃墓 在縣東南五十里卜村。縣志

附續志竇王墓辨

竇建德兵敗於汜水，被擒於陣，斬於長安，何由歸葬井陘乎？即云被擒於牛口峪，正法之人，有葬於被擒之地者乎？廣平府署後有大塚，羣名「竇王墓」。建德斬於長安，喪何由返？乃故將劉黑闥起兵稱「漢東王」，盡復夏王故地，葬衣冠於此，以號召人心耳！曾有詩紀之。廣平建德舊都府署，即萬春宮。事尚有因。井陘則毫無干涉。特因牛口峪以訛傳訛耳。卜妃墓更屬附會矣。

(19) 唐天長鎮軍使衙院長董獻墓 在縣治西較場村。明隆慶三年大水。西較場崩出一大墓。墓石題爲「軍使衙院長董獻墓。唐大中十二年十一月六日，終於天長鎮之私舍。以十三年正月二十二日，卜葬於天長鎮三里新塋。」云。今墓塚猶存。

(20) 唐梁成墓 在縣治北五十里楊青村東胡姓地內。民國十五年，胡姓修地時，發現一古墓。內有細白瓷器多種。並有墓誌銘一方。文筆古雅，題爲「唐梁成

之墓。」惜鄉愚無知，將盜器售於古董商，而以碑石售於正豐礦總辦段麒麟。

(21) 金鑄厲王墓 在縣治東北五里莊旺村北。泰和七年勅葬。今墳墓猶存。墳內

有石人四；石羊二；石虎二。參上鑄厲王故
居條及金石31故

按舊志誤作魏鑄厲王。續志及畿輔通志作辨更正之是也。

(22) 金銀青榮祿大夫開國襄獻公賈守謙墓 在縣治東北八十里牛山鄉。今墓

已湮沒。墓石亦殘缺。民國二十年春，鄉人使土時，在其墓前，掘出石羊一頭。參金

石41附姚燧所
撰賈居正碑記

(23) 金太師賈公墓 在牛山鄉。

〔註〕此碑石，係民國二十年春間，鄉人修學校時，在地下掘出。太師究爲誰何，

尙待查。

(24) 元江西行省參知政事賈居正墓 在縣東北牛山鄉。今墓已湮沒。有姚燧所

撰之賈居正神道碑文附載於金石(41)後，可參閱。

(25) 元贈榮祿大夫平章政事恒國忠肅公焦德裕墓 在縣治東南三十里北障

城鄉。今墳墓尙存。墳內有石人石羊石虎石碑坊等。參石 38金

(26) 元贈通議大夫河間路總管太原郡侯王順墓 在縣治東南四十里下良郡

鄉。墳墓猶存。墳內有石人四；石虎二；石牌坊一。參石 42金

(27) 元進士歷官尙書陳寬墓 在縣境。縣志 48金今遺址已不可考。

(28) 明驛丞李亮墓 在境內。縣志

(29) 清知縣周仲選墓 在縣治東河東坡村正南二里。周公，係遼東義寧州人。順

治九年來任。十二年，調福建汀州府經歷。寄家井陘。甫蒞汀，即以是年代覲。路

經井陘，病卒。邑民以其有德政，感之，卜地與孺人夏氏同葬焉。墓旁原地七畝，

於康熙二十七年，知縣周文煊清出，付文昌道人管業，供四時祭享，並爲之立

碑。參石 56金

(30) 清知縣羅錦雯墓 在縣城外二里城北嶺郝姓地內。羅公，係廣西平樂人。咸

夫陰縣志卷一 第一編
豐八年來任。清廉寬惠，重士恤民。卒於官。借葬郝姓地內。其子名揚宗，先卒於任內，亦在郝姓地內附葬。現由郝姓保管，完好無缺。

(31) 宦官墓 縣北五十里南際村南，有古塚一，土人相傳爲「內官墳」。民國六年大水，此墓塌毀。內有墓字一方，爲販古董者以重價購去，碑文今已不傳。而墓塚遺跡，今尙存焉。

(32) 孤娘娘墓 在縣治北二十五里南寨鄉。「孤娘娘」姓張，爲元人焦順妻。順家居王舍村。隱庫山寨。里閭咸附，誓不二事。明太祖滅元，遣使招降，不受命。被執，死於眞定府。順有三子：伯仲、稍長、季，尙在乳哺中。張氏用荊筐擔其幼兒，提携長次二子，仍歸王舍。業農桑，守節以終。氏既歿，三子不樂，以窆壙瀾葬舊塋，遂遷葬於南寨。名之曰「孤娘娘墓」。今墓址尙完好。有萬曆二十四年王選所撰碑記。南寨村焦姓，皆「孤娘娘」之後裔。

(八) 建築

(1) 蒼岩樓 在縣治東南七十里蒼巖山。建於隋代。係就高數十仞之斷崖，架橋梁而建樓其上。後屢經修葺。現在殿宇仍屬輝煌，並無殘頹情形。

(2) 石橋樓 在蒼巖山福慶寺內。明嘉靖四年建。上有方石一塊。鄉人稱爲「避水珠」。

(3) 鐘鼓樓 在縣政府大門上。房屋尙完好。

(4) 魁星閣 在治城上東南隅。今已破碎不可居。

(5) 清涼閣 在縣治南十五里于家村。亦名「三節閣」。明萬曆九年，村民于喜春，身大力強，家貧好義，獨力興修。至萬曆二十四年，方砌成下層。及第二層修竣，即行病故。至第三層，係村民用木磚補葺。閣下層所砌之石，多達萬餘斤之重。下層東西，懸一石製棹裙，上鑄梅花鹿，工粗而雅。

(6) 南寨閣 在縣北二十七里南寨鄉。明嘉靖十九年，鄉民焦繼友、張廷璽創建。閣之臺基，高一丈。臺上建樓二層，層高三丈。供奉山聖母及女媧像。今房屋尙

完好。作爲該鄉初級小學校。

(7) 文昌閣 在縣東南三里河東坡凌霄塔前。清康熙二十七年知縣周文煊建。今尙存。

(8) 尊經閣 在孔子廟西北。久廢。後於此處建修「文昌崇聖祠」。

(9) 旌善亭 在縣政府大門外東。久廢。

(10) 申明亭 在縣政府大門外西。久廢。

(11) 敬一亭 在孔子廟西北。久廢。有「先賢箴銘」石刻，今在孔子廟前。

(12) 萬世宗師坊 在孔子廟內「泮池」後。今廢。遺址仍存。

(13) 聖域坊 在孔子廟內「櫺星門」前。東爲「聖域坊」西爲「賢關坊」。現

仍存在。

(14) 文明坊 在明倫堂前。久廢。

(15) 騰蛟坊 在儒學大門外。東爲「騰蛟坊」西爲「起鳳坊」。俱久廢。

(16)

敬事坊
寧民坊

皆在縣政府大門外。「旌善亭」東爲「敬事坊」。「申明亭」西

爲「寧民坊」。清康熙十四年，知縣洪之傑改建。雍正十四年，知縣鍾文英重

建。今俱廢。

(17) 鄉進士坊

在北關。爲舉人梁倫立。今廢。

(18) 登雲坊

在北關。有二：一爲舉人李磐立；一爲舉人李宣立。今均廢。

(19) 應魁坊

在北關。爲舉人欒英立。今廢。

(20) 飛雄坊

在北關。爲舉人趙彪立。今廢。

(21) 冠英坊

在北關。爲舉人高鳳立。今廢。

(22) 三鳳冲霄坊

在東關。爲舉人高東湖武金畢秦立。今廢。

(23) 青雲聚彥坊

在城內。爲歷科舉人立。今廢。

(24) 黃甲羣英坊

在城內。爲歷科進士立。今廢。

(25) 繡衣坊

在東關。爲監察御史畢鸞立。今廢。

(26) 忠臣坊 在城內。爲湖廣按察司副使邢端立。今廢。

(27) 天官大夫坊 在城內。爲吏部郎中武金誥封父武邦衛立。今廢。

(28) 都憲坊 在東門內。爲邯陽都御史武金立。今廢。

(29) 都御史坊 在西門內。爲大同巡撫霍鵬立。今尙存。

(30) 皇恩特贈坊 在東關。爲副將許國璧祖許迨祿誥贈榮祿大夫立。今尙存。

(31) 受天褒寵坊 在南門。爲濟南府同知李鳴世誥封祖李鑑父李春芳立。今尙存。

(32) 兄弟聯科坊 在南門。爲舉人許爾忠許爾孝立。今尙存。

(33) 銀臺風紀坊 在西門。爲通政司通政使霍叔瑾立。民國十七年，晉奉之役，被
炮彈炸毀。

(34) 紫誥騰輝坊 在東關。爲通政司霍叔瑾之祖霍美賢父霍鵬立。今尙存。

(35) 貞節坊 有四：一在城內，爲武邦衛妻畢氏立；一在東關，爲郝漢臣妻霍氏立；

一在北關爲梁萬妻尹氏立。廢今一在寺莊爲齊蛟妻任氏立。

(36) 旌表孝行坊 在北關爲生員張民望立。今尙存。

(37) 戟門 在孔子廟前。清康熙四十四年，知縣趙暄重修。久廢。今改爲鄉村師範校門。

(38) 櫺星門 在孔子廟「泮池」前。屢經修葺。今尙完好。

(39) 墩臺 在縣治東北四十里北固底鄉西。金代威州爲州治。由威州至山西省之大路，從固底鄉經過。故該鄉路旁，築有「墩臺」。至今歸然尙存。土人仍以「墩臺」呼之。

(40) 泮池 在孔子廟前「櫺星門」後。今尙完好。

(41) 天威軍石橋 在縣治北五里石橋頭鄉街中。宋元豐八年，天威軍人李宣因七里澗水爲患，謀於太原栖息院女頭隨善慈，請於軍使葛隨創建此橋。橋成，中山人馬宣之爲之作記。今橋尙完好。碑石存於東岳廟內。

(42) 威州橋 在縣治東北五十里威州東街陳姓院中。不知爲何代建築物。相傳威州作城時，此橋正當東西往來之要衝。故建築規模頗宏偉。今僅存兩孔。

(43) 太平橋 在縣治東三十里微水鄉。跨綿蔓河。清乾隆十四年建。橋長四百五十尺；橫二十二尺；券有十三。橋成之日，適總督方觀承平金川，振旅還京，過此；

因以「太平」名橋，並爲之作記。今此橋，已完全被水冲去。參機輔通志方觀承碑記，尙存。

(44) 大石橋 在今縣治東關外。清乾隆四十五年創建。原十二孔，長二十餘丈，寬二丈餘，高六丈。嗣經乾隆五十九年，及嘉慶六年，兩次大水，橋之東端六孔，先

後冲去；僅西端六孔，巋然存者，百有餘年。迨民國十七年，晉奉戰事結束後，邑中各機關同仁，援照山西「善後賑災」成例，呈准平津衛戍總司令，抽收煤捐若干，辦理工賑；東端六孔，始完全補齊。今橋之東半段，係新修；其西半段，仍爲百餘年前之舊建築物。

(45) 木橋 橋之所在地，今不可考。惟查縣北北鳳山護國寺內石佛碑旁，鐫有「眞定府井陘縣大化鄉天威管七里河岸深淤泥土造木橋一所，萬人過往，惟願皇帝萬歲，臣宰千秋，天下樂平，治平三年造橋，至治平四年丁未歲四月八日，建立佛碑一座。」等字。據此，則木橋距佛碑所在地，當不甚遠。今碑既在鳳山寺，該木橋似亦不出鳳山界內。但又查該佛碑座上有「正德二年四月八日建立」等字。據此，則鳳山佛碑，又似從他處移來，而加以石座者。碑之原所在地，既不得而知，斯橋之所在地，更無從究詰也。

(46) 凌霄塔 在縣治東三里河東村南。創建於明萬曆二十二年。係磚瓦砌成。共七層，高十餘丈。今尙完好。爲邑中名勝之一。

(47) 下寺塔 在縣治北關外顯聖寺南。不知創於何代。舊日以塔之「臨河倒影」列爲邑中八景之一。今塔之情狀，漸就傾毀。

(48) 藏公塔 在縣東北五十里河西鄉龍門寺門外。共七級，高約六七丈。唐代建

夫... 第一編
築物。今尙完好。

(49) 石塔 境內有石塔三。東洽鄉內佛寺一，唐天寶四載建；西焦鄉甘泉寺一，後周廣順二年建；威州鄉莊嚴寺一，不知何代建。

(50) 磚塔 在西王舍鄉興國寺內。共二座。係金代建築物。今已破碎。

(51) 千佛磚塔 在彪村興隆寺。不知爲何代建築物。

(52) 經塔 有二。天護鄉東禪院一，唐元和間建。北陘鄉慶賀寺一，宋皇祐五年勅建。今尙完好。

(九) 陶冶

(1) 天威軍官瓶 民國四年，在縣立高級小學校操場北土埠內掘出。高尺餘；口徑寸餘。形細長，與紹興酒罈頗相似。今尙存。附記

古瓶記 宋 清 台

民國四年夏，本校井陘高小關治操場，掘一土埠，忽發見古屋遺址，瓷瓶纍纍，堆

置其中；完好無缺者，尙有十餘枚，俱題「天威軍官瓶」五字。惜字爲粉土，浮書，一拂輒滅。時余與校長傅君子儀，俱以事他出，而司事某，以瓷質粗劣，棄置弗顧，聽匠役等分携以去。余聞之，喟惜不置。請諸傅君，向匠役索之，皆託詞已失，不肯返璧。蓋時有嗜古者，以重價相購，故伊等居奇昧之耳。越月餘，校中生徒數人，於操場墻隅種花，復掘得破瓷片甚多，搜挖其下，儼然又有一瓶，橫埋土中。出之，則形式字迹，與前者無少異。余聞而狂喜，措視一過，罪諸案頭。雖寸珠拱璧，弗與易也。夫天下之物，偶有所得，不足喜，惟失而復得，其喜乃劇。人情大抵如斯。此瓶也，前者既失，諸目前，後者復得，諸意外，若冥冥中留以有待者，豈不奇哉。瓶高尺有咫，口徑寸餘。似今之紹興酒罈，而細長特甚。瓷作蒼褐色，素燒既粗，釉亦不華，亦猶秦磚漢瓦，所貴者別有在耳。竊考「天威軍」之見於史冊者，凡二：一爲唐代禁軍。昭宗時，始屢見於冊。非扈蹕，不出都門。此地，在唐代爲成德軍。當昭宗朝，王氏襲爲節度，庭廣

屢抗朝命，昭宗未嘗至是。則天威軍亦決不至是。一宋置「北平」，「天威」
「二軍」以防北邊。而天威軍實駐井陘。則此瓶之爲宋物無疑。距今七八百
年，似不足言古。然近年之嗜古家，求一前清之康雍，而不可必得；則此瓶
之年壽，又過之遠矣。若斤斤然論物質之粗細，以爲低昂；乃市僧之所爲，非
嗜古之意也。袁子才曰：『使古人復生，周公孔子固爲人所願見，即王莽曹
操亦莫不以先覩爲快。』誠論古之確義也。是瓶也，余目覩其新出於土；非
贗造者可比。所以珍視之者，意在斯也。嗚呼！嗜古一事，爲文人雅士之結習。
然而片羽兼金，尤非有力者不辨。況骨董鬼巧詐百出，金石羅列，其眞者百
無一二。黃初鼎銘，天寶硯刻，秘視者方視作奇珍；而不知博物君子，早睨之
而齒冷矣。余家本寒素，何敢昌言嗜古。但留心物色，亦時偶獲一二，燕石什
襲，敝帚千金，聊作貧兒之自娛品耳。然較諸統袴之徒，以賞鑿自居，而日爲
市僧所欺者，則反勝之矣。爰書數語，以誌得瓶之巔末云。

(2) 北隄古銅佛 在西明寺內。坐像。高三尺五寸。氣象極莊嚴。

(3) 北寨古銅佛 在鐵佛寺內。坐像。一尊。高四尺半。不知製造年代。

(4) 西焦古銅佛 在甘泉寺內。高四尺餘。坐像。數僅一尊。

(5) 橫古銅佛 原在西寺內。坐像。一尊。約高四尺。其面上有金；土人呼爲「滲金佛」。小者無算，全係銅製。今大佛尙存；小佛已全被村人隨意携去。

(6) 長岡銅佛 原在寺內。大小數十尊。今移歸該村香頭。舊日各鄉迎神賽會有專人主持其事此項職務名家存置。

(7) 銅鐘 清同治十三年十一月，「白蓮教」徒黃老和李秀禎等，據山惑衆時造。原在鸞駕山佛寺內。嗣光緒元年，該教徒被勦，寺亦被毀；此鍾遂移至縣城西門內觀音堂。今尙存。

(8) 鐵像 三官窰神像，係生鐵鑄成。今存。

(9) 鐵碑 在北峪鄉。明嘉靖三十九年二月鑄造。今尙完好。

夫區縣志卷一 第二編
(10) 鐵鼎 在孔子廟內。高約三尺有奇。缺一耳。明嘉靖二十四年九月造。

(11) 鐵香爐 在南寨閣上。高約五尺餘。明嘉靖年造。今尙完好。

(12) 板橋鐵鐘 在村南玉皇廟內。明萬曆六年二月二十四日造。高四尺八寸。上鑄八卦。花樣精巧。響聲嘹亮。能達十數里。雖係鐵質。不生銹。今已失去三耳。

(13) 北陘鐵鐘 在西明寺內。正德四年造。

(14) 鐵礮 在縣政府大門內。計二尊。一尊係崇禎三年福建軍門熊造。一尊係崇禎十一年六月勅造。

(15) 鐵瓦 在雪花山正殿房上。不知何代製造。

(十) 雕刻

(1) 南障城千佛石像 在千佛巖寺內。或獨立製成。或就石壁琢成。大小數約千尊。係北齊河清四年造。

(2) 北鳳山千佛石像 在護國寺內。就碑石琢成。大小一百三十八尊。宋治平四

年造。

(3) 寺莊千佛石像 在該村村公所內。就碑石琢成。周圍共數十尊。額上一尊。高八九寸。餘皆高四寸。中間有字。魏孝昌二年造。

(4) 彪村千佛磚像 在興隆寺內。就磚塔製成。年代無從稽考。

(5) 牛山石佛 在重興寺內者。一尊。坐像。以白玉石爲之。首部被人盜去。在塔坡山者。三尊。係以青石一塊相連作成。今尙完好。兩處之佛像。皆不知爲何代雕刻物。

(6) 西焦石佛 在甘泉寺內。共三尊。皆立像。高六七尺。以白綿石爲之。刻工甚細。製造年代。無從稽考。

(7) 馬山石佛 在福昌寺內。共五尊。四尊。高六尺。一尊。高三尺。皆立像。今殘缺。

(8) 北峪石佛 在大寺內。共三尊。高皆四五尺。首部殘。

(9) 彪村石佛 在興隆寺內。共五尊。不知何代製造。

(10) 長都石佛 在該村東北里許路西石龕內。只一尊。高約三四尺。重約千餘斤。相傳爲魏晉時製造物。石岸上有字跡可考。

(11) 鹿耳嶺石像 在嶺巔石壁上刻。共三尊。高皆三尺有奇。

(12) 玉峯山石像 在山側石壁上刻。高約三尺。旁有字跡。

(13) 石嫫祖像 在牛山鄉塔坡山廟中。像著綠袍，騎紅馬上；連人帶馬，共高六七尺。以青石一塊琢成之。琢成後，塗之以色。手工頗不粗糙。不知爲何代雕刻物。土人呼之爲「蠶姑姑神」。今尙完好。

(14) 石將軍 在縣東北元村西北石崖上刻。高約二三尺。土人呼此崖爲「將軍岸」。旁有「大金」等字。

(15) 石僧 在北陘村石鼓寺石窰內石鼓上。刻工甚細。不知爲何代製造。

(16) 石鼓 在北陘石鼓寺石窰內。刻工甚粗糙。不知爲何代製造物。

(17) 板橋石香爐 在三官廟內。雕刻精巧，花紋秀麗。明萬曆十一年二月造。

(18) 石香莖 在北寨鐵佛寺殿前。元至元三年造。

(19) 荊根大王 南寨鄉東馮家掌山上有廟，中供一荊根雕成之像。俗名爲「荊楮大王」。不知爲何代物。

(七) 書繪

(1) 經卷 原在橫口西寺「滲金佛」座下藏置。民國十一年，由該村高小學生，於無意中發見。共數十本。或金字，或墨跡，或拓印，裝訂均甚工緻。今失佚大半。該鄉兩級小學校內，尙有存本。

(2) 紅字石 在縣治東北陘山之西麓。石長六丈餘，寬四丈餘。石之下面，書大楷紅字。拭去其塵，僅有「大元國壬子仲春月中澣十有七日」十四字，尙可辨認；餘皆模糊不清。

(3) 鹿耳嶺摩崖 在嶺巔石壁上。字跡模糊。年代無從稽考。

(4) 玉峯山摩崖 在山側石壁上。字跡大半模糊。亦無年月日。

(5) 順治康熙間誥封 清順治八年八月二十一日，邑人許國璧任山東撫標中營都司僉書管遊擊事時，誥封其祖父母父母及其自身與其妻繼妻，共三件。康熙十四年十二月十四日，許國璧任直隸通州副將管副將事加二級時，誥封其曾祖父母祖父母父母及其自身與其妻繼妻，共四件。此項誥命形式，在順治朝，係以五色絹七幅組成；在康熙朝，係以五色絹十三幅組成。長，皆七尺有奇；闊，皆尺餘；質地，皆極細緻；花樣，皆極精美。滿文漢文合璧。金字，硃字，黑字，皆當時墨蹟。上蓋「制誥之寶」兩顆。附照片

(6) 嘉慶間誥封 清嘉慶十四年正月初一日，邑人吳永年任磁州營把總時，其身暨其妻，受誥封一件。此項誥命形式，長六尺，寬一尺。以純黃色絹爲之。滿漢文合璧；字皆墨跡。上蓋「勅命之寶」兩顆。附照片

(7) 道光間誥封 清道光三年十二月十五日，邑人盧一桂任守禦所千總時，誥封其父母一件。此項誥命形式，係以五色花絹五幅組成。長六尺餘，闊一尺。滿

漢文合璧。此字，紅紫綠青藍黑各色相間。上蓋「制誥之寶」兩顆。附照片

(8) 明方孝儒墨蹟 本縣橫口許姓家，存有明方孝儒墨蹟一幅。附照片

(9) 明王守仁墨蹟 本縣核桃園吳姓家，存有明王守仁墨蹟十二幅。據云：吳祖

在四川經商，得此物。附照片

(10) 明王鐸墨蹟 本縣南橫口馬姓家中，存有明王鐸手書之中堂一幅。清劉墉

手書之對聯一幅。附照片

(11) 羅鼎焜墨蹟 羅公，字雲舫，廣西平樂人。清光緒間，任井陘縣知事。其祖羅錦

曾任井陘縣知事 善書。今羅公已歿，邑中流傳其墨蹟尙多。附照片

(12) 言家駒墨蹟 言公，字應千，江蘇常熟人。清光緒間，三任井陘縣知事。工詩詞。

善行草。境內碑石，係言公撰文兼書丹者不少。今言公歿世已久，而其墨蹟，尙

有存者。附照片

(13) 謝鑾禮書畫 謝公，字方塘，貴州人。清光緒二十一年，任井陘縣知事。工書畫。

書法黃庭堅畫法鄭板橋。今謝公已歿其字畫在境內流傳甚多。附照片

(14) 霍鵬像 霍係本縣城內人。明萬歷丁丑進士。官至大同巡撫。其遺像係當時

善繪者爲之。今其家尙存。附照片

(三) 雜物

(1) 龍窩 在縣西南二十里龍窩寺。相傳昔有神龍斷路，一貨郎仗劍斬之，卽埋於東山之麓。至隆慶間，大水衝出枯骨一窰，重約五百斤。鄉人仍復埋之。今東山根下有石堆一，土人呼爲「蛟骨堆」。小龍窩大龍窩二鄉及龍窩寺皆由此得名。

(2) 石蟒 在縣治北六十里莊子頭村東石崖上。形跡顯然。卽地質學家所謂化石也。因山巖崩裂，發現此形。相傳韓信下井陘，視趙軍，見大蟒飲水，射之，斃，化爲石。殊屬牽強。

(3) 石青蛙 中平望鄉之西溝大道旁，距鄉里餘地方，有石一，高六尺餘，其形與

蛙無異。頭露地外，身臥地內。土人名之爲「石青蛙」。

(4) 石香爐 蒼山福慶寺對面山上，有石一塊，鄉人稱爲「石香爐」。上刻有「乾興元年」等字。

(5) 礮礮 在縣北五十里北陘鄉正中。礮，用石十四塊砌成，周十餘丈。未知爲何代遺物，亦未知其有何作用。

井陘縣志料第三編

氣候

本縣位於北緯三十八度。氣候雖近似大陸性質，然寒暑變化，尙不十分遽劇。因四境皆山，地形如盆，北極氣流，被山阻障，不能直吹內地；而冬日之斜射光線，又適與斜面之山坡恰成直角，反射光熱，較爲強大；以此氣溫稍高，寒威勢減；較之同緯度地勢低下之獲鹿，反覺溫暖。綿河入冬不封，是亦一最大原因。至入夏日，太陽直射地面，山澗溝壑，時有谷風；且地勢高峻，氣壓亦低；酷暑之天，不過數日，而晝夜溫度，亦相差無幾。以視壽陽之午或御紗晚，仍被棉者，直不可同日而語。本地諺云：『冷壽陽，熱獲鹿。』然則井陘之氣候溫和，於此可見一斑。惟雨量稀少，時苦亢旱。冬春甚或雨點不滴，夏秋並無水潦之年。近數年來，雨量更稀；每年非至小暑節後，不雨；未至立秋，雨即停降。連年夏麥未得播種，秋收亦甚歉薄，職此故也。揆厥原因，或者由於太行山聳峙全境，水蒸汽被其阻隔之故歟。

井陘縣志料第四編

人口

井陘山多地少，受天然之限制。邑民因本地生產，不能供給本地需要，遂致謀生無路，生計日蹙。從前「溺女」之惡風，經歷任縣長或苦勸或嚴禁，迄今不但未能革除，甚且變本加厲，「溺男」者反日有所聞。非邑民不講慈愛，不重人道，不知世界人口壓迫之可慮也。蓋生活問題，實偏處此，無可如何耳。茲就最近戶口調查統計，列表於左，以備參考：

井陘縣間境戶口統計表 民國十九年分

第一鄉	鄉次	鄉名		鄉戶		鄉口		第一區	第二區	第三區	第四區	第五區	統計
		名	數	戶	口	戶	口						
鎮城	二	名	數	戶	口	戶	口	第一區	第二區	第三區	第四區	第五區	統計
		別	別	別	別	別	別						
女	男	數	數	數	數	數	數	數	數	數	數	數	數
五	五	北	橫	二	〇	二	〇	二	〇	二	〇	二	〇
女	男	數	數	戶	口	戶	口	第一區	第二區	第三區	第四區	第五區	統計
二	二	北	橫	二	〇	二	〇						
女	男	數	數	戶	口	戶	口	數	數	數	數	數	數
五	五	北	橫	二	〇	二	〇	二	〇	二	〇	二	〇
女	男	數	數	戶	口	戶	口	第一區	第二區	第三區	第四區	第五區	統計
二	二	北	橫	二	〇	二	〇						
女	男	數	數	戶	口	戶	口	數	數	數	數	數	數
五	五	北	橫	二	〇	二	〇	二	〇	二	〇	二	〇
女	男	數	數	戶	口	戶	口	第一區	第二區	第三區	第四區	第五區	統計
二	二	北	橫	二	〇	二	〇						
女	男	數	數	戶	口	戶	口	數	數	數	數	數	數
五	五	北	橫	二	〇	二	〇	二	〇	二	〇	二	〇

總計	第五鄉	第四九鄉		第四八鄉		第四七鄉		第四六鄉	
		井家	張南	莊家	樂	濟河	洪	慶	石
九七九		七九	八〇	七五	七〇	七〇	七〇	七〇	七〇
女二〇三		女二〇二	女二〇二	女二〇二	女二〇二	女二〇二	女二〇二	女二〇二	女二〇二
男二七六		男二六六	男二六六	男二六六	男二六六	男二六六	男二六六	男二六六	男二六六
一〇二		九二	九二	九二	九二	九二	九二	九二	九二
女三〇二		女二〇二	女二〇二	女二〇二	女二〇二	女二〇二	女二〇二	女二〇二	女二〇二
男二〇二		男二〇二	男二〇二	男二〇二	男二〇二	男二〇二	男二〇二	男二〇二	男二〇二
六二五									
女二六八									
男二六二									
九四四									
女二九〇									
男二六二									
八〇五	西河良	店都良	東河良	村	下	嘉	王	廣	
女二〇九	女二〇	女二〇	女二〇	女二〇	女二〇	女二〇	女二〇	女二〇	
男三〇五	男二九	男二九	男二九	男二九	男二九	男二九	男二九	男二九	
四六八									
女二〇九									
男二八四									

按「人類學」家言：『人類之「生殖率」與「死亡率」大約為十五與四之比。』世界文明各國，無論矣；即就我國舊藩屬外蒙論，在民國十三年，據布爾札維克黨人調查，庫倫轄境，僅有人口二十萬；迨民國十八年，已增至八十餘萬。平均每年所增人口，超於原人口數五分之三。今考吾邑，在民國六年度調查，人口總數，為十九萬三千一百九十四；時閱十有三年之久，至民國十九年度，人口總數，為二十萬零七千五百九

十二。平均每年所增人口，不及原人口數五百分之三。此其故：一由本邑土壤薄瘠，人民受天然之制限，窮於他處萬倍；一由近年軍閥禍國，本邑以正太鐵路橫貫全境，且邑境毗鄰山西，地勢險要，有事時輒作戰場，無事時亦恒有軍隊駐紮，故邑民所受之災殃，又甚於他處萬倍。然則本邑人口，在此十餘年中，不惟能維持原額，而尙得增加些須者，不可謂非厚幸也。